

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9



大方廣佛華嚴經疏鈔卷三

C40
4514
240

于闐國三藏沙門實叉難陀

譯

清涼山大華嚴寺沙門澄觀撰

世主妙嚴品第一之三

復次持國乾闥婆王得自在方便攝一切衆生解脫

門

疏自下第二有八段明八部四王衆初四段皆初

一是天義如前釋今初乾闥婆王長行十法初一

卽東方天王謂攝受折伏逆順多端善巧應機故

名自在。

B 64853

撰述
樹光乾闥婆王得普見一切功德莊嚴解脫門。

疏二。普見等者。謂令衆生見佛一切功德莊嚴。佛一毛而爲利益。一皆爾。故云普見。

淨目乾闥婆王得永斷一切衆生憂苦出生歡喜藏解脫門。

疏三。以慈愍方便除憂則喜生。憂苦既如海廣深。喜樂亦難盡名藏。然則世之憂喜生乎利害。利害存乎情僞。苦樂存乎吉凶。吉凶存乎愛惡。愛惡則吉凶。苦樂皆亡。情僞息。則利害憂喜永斷。如此方爲永斷憂苦喜樂生焉。鈔然世之憂喜生乎

利害下。上顯釋經文。此下密取經意。舉世憂喜。況此世樂。卽周易繫辭之文。而倒用之。先具出易文。易云剛柔雜居。而吉凶可見矣。變動以利言。注云變而通之。以盡利也。易云吉凶以情遷。注云吉凶無定。唯人所動。情順乘理以之吉。情逆違道以蹈凶。故曰吉凶以情遷也。易云是故愛惡相攻。而吉凶生焉。卽今疏云吉凶存乎愛惡。則愛惡是吉凶之因也。易云遠近相取。而悔吝生。情僞相感。而利害生。卽今疏云憂喜存乎利害。利害存乎情僞。是則情僞爲利害因。故注云情以感物。則得利。僞以

感物則致害。則有憂喜。故利害是憂喜之因。故上
易云。遠近相取而悔吝生。意云相取相資也。順之
則喜。逆之則憂。順卽利也。逆卽害也。又次易云。凡
易之情。近而不相得則凶。或害之。悔且吝。今爲順
易之次第。不順疏次。但曉易文。疏文自了。憂惡盡
下。彰滅吉凶。憂喜所以。易雖無文。乃易本意。卽知
無憂無喜。方爲大喜。無苦無樂。真樂耳。

華冠乾闥婆王。得永斷一切衆生邪見。惑解脫門。

疏四。永斷等。謂得佛決定智光。則邪惑永斷。

喜步音乾闥婆王。得如雲廣布。普陰澤一切衆生。

解脫門

疏五。謂慈雲普蔭。材與不材皆涼。慧澤廣霑。二草
二木咸發。鈔慈雲普蔭。材與不材皆涼等者。上
句依莊子。下句依法華。材者可爲棟梁。成器之木
也。不材無所堪也。莊周行山。見伐木者。止其旁而
不取。周歎曰。此木以不材。得終其天年。及還至故
人家。主人將殺鴈。豎子曰。一能鳴。一不能鳴。請奚
殺。至人曰。殺不能鳴者。弟子問周曰。山中之木。以
不材得終天年。至人之鴈。以不材致死。先生將何
處焉。周笑對曰。將處夫材與不材之間。然材不材

之言。雖在莊子。意亦法華第三云。我觀一切。普皆平等。乃至云。貴賤上下。持戒毀戒。威儀具足。及不具足。正見邪見。利根鈍根等。雨法雨而無懈倦。卽材與不材皆涼也。言三草者。謂小草中草上草。一木謂小樹大樹。以人天乘爲小草。經云。或處人天。轉輪聖王。釋梵諸王。是小藥草。二乘爲中草。經云。知無漏法。能得涅槃。起六神通。及得三明。獨處山林。常行禪定。得緣覺證。是中藥草。菩薩爲上草。經云。求世尊處。我當作佛。行精進定。是上藥草。此通說大乘爲上。以大乘登地已上。慈蔭義廣。復加二

樹。七地已前小樹。經云。又諸佛子。專心佛道。常行慈悲。自知作佛。決定無疑。是名小樹。八地已上。爲大樹。經云。安住神通。轉不退輪。度無量億百千衆生。如是菩薩。名爲大樹。而言咸發者。經云。佛平等說。如一味雨。隨衆生性。所受不同。如彼草木。所稟各異等。

樂搖動美目。乾闥婆王。得現廣大妙好身。令一切獲安樂解脫門。

疏六。現廣等者。現身益物也。稱性普應。故廣大。具相清淨。故妙好。

妙音師子幢乾闥婆王得普散十方一切大名稱寶
解脫門。

疏七。佛出說法。是大名稱。佛法衆僧。俱稱爲寶。令
此遠聞。義云普散。

普放寶光明乾闥婆王得現一切大歡喜光明清淨
身解脫門。

疏八。現一切等者。身光普照。塵不能染。見者必歡。
智光悅機。惑累不生。又歡喜也。故云大喜。

金剛樹華幢乾闥婆王得普滋榮一切樹令見者歡
喜解脫門。

疏九。法水徧滋菩提實行。行旣樹立。見者必歡無。
復二乘。一切皆菩提樹也。

普現莊嚴乾闥婆王得善入一切佛境界與衆生安
樂解脫門。

疏十。善入等者。一多無礙。名爲佛境。天王智達。故
云善入。

爾時持國乾闥婆王承佛威力。普觀一切乾闥婆衆
而說頌言。

疏偈中亦十。

諸佛境界無量門。一切衆生莫能入。善逝如空性清

淨。普爲世間開正道。

如來一一毛孔中。功德大海皆充滿。一切世間咸利樂。此樹光王所能見。

世間廣大憂苦海。佛能消竭悉無餘。如來慈愍多方。便淨目於此能深解。

十方利海無有邊。佛以智光咸照曜。普使滌除邪惡見。此樹華王所入門。

佛於往昔無量劫。修習大慈方便行。一切世間咸慰安。此道普音能悟入。

疏前五可知

佛身清淨皆樂見。能生世間無盡樂。解脫因果次第成。美目於斯善開示。

疏六中。初句現身。次一句一切獲安樂也。世間卽

一切也。無盡樂。總顯也。謂佛現於世。足履影覆。若

在人天。現增快樂。若在下界。七日之中。身心安樂

乃至終獲涅槃之樂。故云無盡。鈔足履影覆。至

身心快樂者。涅槃二十六說。如有怖鴿。至身子影

中。猶自戰懼。至佛影中。坦然快樂。世尊履地。去地

四指。然當足下。蟲皆得生天。於如來所。種少善根

如食金剛。必至涅槃。

疏次句別示出世因果之樂。先因後果。先世後出世。皆次第義。又總取偈意。佛身清淨。是解脫因。生無盡樂。是解脫果。鈔又總取偈意等者。上別配三句竟。今總取三句釋因果。次第成言。乃有五對因果。一。取初句上四字爲因。第二句初二字是果。由佛身淨。令衆解脫故。二。以第三句初解脫字爲因。第二句爲果。此是如來作用解脫。令衆生得樂故。上爲一對。

疏世無盡樂。又解脫因。能現淨身。又解脫果。鈔世無盡樂下。三以第二句爲因。第三句初解脫字

爲果。以世樂爲因。出世解脫樂爲果故。四以第三句初解脫字爲因。第一句初四字爲果。佛證離障解脫方能起於大用而現身故。上卽第二對。

疏又佛身清淨是樂見因。樂見卽爲清淨身果。

鈔五又佛身清淨下。唯就初句自分因果。上四字爲因。下三字爲果。由佛身淨。令物樂見。無有厭足。六以下三字爲因。上四字爲果。由物樂見。自感淨身。又衆生若樂見。則淨身有果。若不樂見。則淨身無果。卽以利他爲果故。上卽第三對。

疏衆生樂見是安樂因。無盡安樂是樂見果。鈔

撰述
七衆生樂見下。以初句下三字爲因。第二句爲果。由樂見佛。天上人間常受安樂。八第二句是因。初句下三字爲果。樂見若得樂。樂見卽有果。樂見若無樂。樂見便無果。上卽第四對。

疏無盡安樂。是淨身因。能現淨業。是無盡果。鈔九無盡安樂下。以第二句全爲因。以初句上四字爲果。由得無盡世樂。故終得清淨之身。此舉世尊因中修行之果。勸物亦然。十能現淨業。是無盡果者。卽以第二句中下三字爲因。第一句上四字爲果。謂無盡樂。卽涅槃樂。安任涅槃。能建大事。方現

淨身。是故淨身。是無盡樂果。故上釋云。終獲涅槃。爲無盡樂。則無盡樂言。有其二種。一卽出世。如上所明。二連取一句。卽世無盡樂。如純陀施佛。果報無盡。應不成佛。故約世樂說無盡耳。

疏如是展轉因果。各次第成。鈔結云。如是展轉者。遞互相成故。

衆生迷惑常流轉。愚癡障蓋極堅密。如來爲說廣大法。師子幢王能演暢。

疏七中。初二句寶所濟機。堅謂難壞。密謂無隙。間無空處。智不得生。次句正散寶也。

如來普現妙色身無量差別等衆生種種方便照世間。普放寶光如是見。

疏八中結句應云普放寶光如是見。而云妙音譯者之誤。妙音屬前師子幢故。今依北藏改正

大智方便無量門。佛爲羣生普開闡。入勝菩提真實行。此金剛幢善觀察。

疏九中初二句法水普滋。次句道樹普榮也。又方便多門。是開權也。入菩提行。是顯實也。種種方便。但爲一乘。是普滋也。

一刹那中百千劫。佛力能現無所動。等以安樂施羣

生。此樂莊嚴之解脫。

疏十中初二句佛境也。次句安樂也。佛力能現無所動者。遮妄見也。非促多劫就一刹那。非展刹那。受於多劫。本相如故。名無所動。隨應度者。佛力令見。

復次增長鳩槃荼王得滅一切怨害力解脫門。

疏第二鳩槃荼王長行十法中。初卽南方天王。謂內惑外讐。皆各冤害。安住忍力。並能伏之。

龍王鳩槃荼王得修習無邊行門海解脫門。

疏二修習等者。二利之行。趣果曰門。深廣難窮。各

無邊海。

莊嚴幢鳩槃茶王。得知一切衆生心所樂。解脫門。

疏三。知其現欲。如應化伏。

饒益行鳩槃茶王。得普成就清淨大光明所作業。解脫門。

疏四。普成就等者。鈍識者現之以通利智者示之。以法徧世多劫。各普成就。並如虛空。故云清淨。俱能照世。卽是光明。三輪化生。是所作業。

可怖畏鳩槃茶王。得開示一切衆生安隱無畏道。解脫門。

疏五。世間惑罣可畏不安。菩提涅槃安隱無畏。萬行爲其因道。則畏滅果成矣。

妙莊嚴鳩槃茶王。得消竭一切衆生愛欲海。解脫門。

疏六。消竭等者。愛欲漂流深廣如海。智日赫照。則妄竭眞明。

高峰慧鳩槃茶王。得普現諸趣。光明雲解脫門。

疏七。謂於諸趣。普現身雲。耀通明等之光也。

勇健臂鳩槃茶王。得普放光明。滅如山重障。解脫門。

疏八。普放等者。身智光明。遣除二障。無邊淨華眼鳩槃茶王。得開示不退轉大悲藏。解脫

撰述
門。

疏九。多劫修悲。究竟滅苦。爲不退轉。悲多方便。故復名藏。爲安衆生。所以開示。

廣大面鳩槃茶王。得普現諸趣流轉身。解脫門。

疏十。普現等者。稱性神通。無來去而流轉。

爾時增長鳩槃茶王。承佛威力。普觀一切鳩槃茶衆。而說頌言。

成就忍力世導師。爲物修行無量劫。永離世間憍慢。惑。是故其身最嚴淨。

疏偈中。初偈通顯明佛已滅冤。冤之大者。莫越憍

慢。有之則卑陋。滅之則端嚴。

佛昔普修諸行海。教化十方無量衆。種種方便利羣生。此解脫門。龍王得。

佛以大智救衆生。莫不明了知其心。種種自在而調伏。嚴幢見此生歡喜。

神通應現如光影。法輪真實同虛空。如是處世無央劫。此饒益王之所證。

衆生癡翳常蒙惑。佛光照現安隱道。爲作救護令除苦。可畏能觀此法門。

疏次四偈可知。

撰述
垂露疏鈔卷三
欲海漂淪具衆苦。智光普照滅無餘。既除苦已爲說法。此妙莊嚴之所悟。

疏六中。初句欲海。欲爲苦本。云具衆苦。次二句消竭。既欲惡止。當說善行。鈔欲爲苦本者。法華云。諸苦所因。貪欲爲本。

佛身普應。無不見。種種方便。化羣生。音如雷震。雨法雨。如是法門高慧入。

疏七中。初句普現身雲。次句明等電光。故云種種。次句兼明雷雨。雷有二義。一遠震。二發生。謂蟄蟲發動。草木發萌。圓音之雷。可以思準。鈔次句明

等電光者。下經云。通明無畏。以爲電光。謂十通。十明。十無畏等。皆稱電光。故云方便。圓音之雷。可以思準者。謂雷震百里。今周法界。二發生是標。云何爲發。耽着禪味。起大功用。是蟄蟲發動。云何爲生。令諸衆生。善根萌芽。未生令生。

清淨光明。不唐發。若遇必令消重障。演佛功德。無有邊。勇臂能明。此深理。

爲欲安樂。諸衆生。修習大悲。無量劫。種種方便。除衆苦。如是淨華之所見。

神通自在。不思議。其身普現徧十方。而於一切無來

去。此廣面王心所了。

疏餘三可知。

復次毘樓博叉龍王得消滅一切諸龍趣熾然苦解脫門。

疏第三龍王衆準偈及梵本皆有十。前第一卷中長行脫第五。但有十法。今長行十一法。初一。卽西方天王法門及第二。如偈當釋。

娑竭羅龍王得一念中轉自龍形。示現無量衆生身解脫門。

雲音幢龍王得於一切諸有趣中。以清淨音說佛無

邊名號海解脫門。

疏三與偈文通有六義。一諸趣是化處。二淨音是化具。三佛名是化法。四神通是化本。五衆生是化機。六隨樂是化意。

醯口龍王得普現無邊佛世界建立差別解脫門。

疏四普現等者。謂一毛普現無邊依正以毛稱性。能廣容故。廣容卽是普徧。故能現之。佛還自在於毛孔所現刹中。能所無雜。依正區分。大小宛然。名建立差別。

醯龍王得一切衆生瞋癡蓋纏如來慈愍令除滅解

撰述

聖嚴師錄卷三

脫門

疏五靜法云。準梵本有談龍王。得一切衆生瞋癡。蓋纏如來慈愍。令除滅解脫門。謂大慈居懷。則三毒俱滅。

雲幢龍王。得開示一切衆生大喜樂。福德海解脫門。

疏六開示等者。佛大慈悲。是福德海。二資糧滿。然後得故。衆生慈福。卽是百川。佛毛示現。以表同體。

既知同體。自然朝宗。因示悟入。故得大喜樂。鈔自然朝宗者。謂百川起海。如萬國歸朝。禮云。春見

曰朝。夏見曰宗。

德叉迦龍王。得以清淨救護音滅除一切怖畏解脫門。

疏七慈音智俱。故云清淨。淨無貪愛。何畏何憂。

無邊步龍王。得示現一切佛色身及在劫次第解脫門。

疏八示現等者。謂於身中現身土也。

清淨色速疾龍王。得出生一切衆生大愛樂歡喜海解脫門。

疏九觀佛昔行深廣。故愛樂歡喜。海言通二。謂歡喜供養。

支那

聖嚴師錄卷三

五

卷

撰述

華嚴疏鈔卷三

普行大音龍王得示現一切平等悅意無礙音解脫門。

疏十。示現等者。謂為眾演音。故云示現。音有四義。一。類多謂一切。二。音徧謂平等。三。稱根清雅。故云悅意。四。一音隨類。故云無礙。無礙即方便也。

無熱惱龍王得以大悲普覆雲滅一切世間苦解脫門。

疏十一。謂此無熱龍。住清涼池。出香美水。流注四海。導引百川。時布慈雲。降澍甘澤。是故能滅諸世間苦。

爾時毘樓博叉龍王。承佛威力。普觀一切諸龍眾已。而說頌言。

汝觀如來法常爾。一切眾生成利益。能以大慈哀愍力。拔彼畏塗淪墜者。

疏偈有十一。初中諸龍有四熱惱。名熾然苦。今並有治。一。金翅所食苦。初句為治。以觀佛法同三歸故。二。行欲時復本身苦。三。鱗甲細蟲苦。並第二句為治。學佛等利故。四。熱砂着身苦。後二句為治。以不堪蟲癢。熱砂中驥。今大悲哀愍。故能治之。有說四苦。無鱗甲細蟲。而有風吹寶衣露身之苦。亦以

王文

華嚴疏鈔卷三

五

第二句治之。就龍且說龍趣。末句約佛通拔畏塗。鈔諸龍皆有四種熱惱者。經論不同。然謗佛經說。如阿那婆達多龍王。三種過患。皆悉遠離。一者熱砂不墮其頭。二者不以蛇身行欲。三者無迎樓羅鳥之畏。彼喻發菩提心。離三界惡。然會之亦同。無鱗甲細蟲而有風吹者。由有細蟲。故颺熱砂。此二則同。其風吹寶衣露身。卽見復本身之耻。所以互有開合。

一切衆生種種別。於一毛端皆示現。神通變化滿世間。娑竭如是觀於佛。

疏二中。此就佛論示現。前約龍云能轉。又前一念時促。今一毛處小。二文影畧。餘九可知。但第五偈。卽前所脫。

佛以神通無限量。廣演名號等衆生。隨其所樂普使聞。如是雲音能悟解。

無量無邊國土衆。佛能令入一毛孔。如來安坐彼會中。此談口龍之所見。

一切衆生瞋恚心。纏蓋愚癡深若海。如來慈愍皆除滅。談龍觀此能明見。

一切衆生福德力。佛毛孔中皆顯現。現已令歸大福

海。此高雲幢之所觀。

佛身毛孔發智光。其光處處演妙音。衆生聞者除憂畏。德又迦龍悟斯道。

三世一切諸如來。國土莊嚴劫次第。如是皆於佛身現。廣步見此神通力。

我觀如來往昔行。供養一切諸佛海。於彼咸增喜樂心。此速疾龍之所入。

佛以方便隨類音。爲衆說法令歡喜。其音清雅衆所悅。普行聞此心欣悟。

衆生逼迫諸有中。業惑漂轉無人救。佛以大悲令解

脫無熱大龍能悟此。

復次毘沙門夜又王。得以無邊方便救護惡衆生解脫門。

疏第四夜又王衆長行十法。鈔第四夜又王下。

前之十段。長行偈頌委釋。第十一。段去。卽摘難釋。

此下多不釋偈。偈有難者。懸引釋於長行之中。講者自對會之。

疏初。卽北方天王。得以無邊等者。謂善者自樂。

不待加哀。惡者必苦。心則偏重。巧救多門。故云無。

邊。又此天能伏惡鬼。令不犯衆生。是救護也。

自在音夜叉王得普觀察衆生方便救護解脫門。
疏二。智觀悲救。救苦護善。不滯空有。故云方便。
嚴持器仗夜叉王得能資益一切甚羸惡衆生解脫門。

疏三惡業障重。名甚羸惡。又羸無善力。謂一闡提。
惡卽弊惡。謗方等經者。明示妙理。是謂資益。
大智慧夜叉王得稱揚一切聖功德海解脫門。
疏四。做佛歎佛。得名聞果。

燄眼王夜叉王得普觀察一切衆生大悲智解脫門。
疏五。悲智二照。合爲一心。與法身俱。故恒觀察。

金剛眼夜叉王得種種方便利益安樂一切衆生解脫門。

疏六妙音說法。利益多端。唯應度者。聲暨能益。
勇健臂夜叉王得普入一切諸法義解脫門。

疏七。教廣理深。一句能演。卽是普入。
勇敵大軍夜叉王得守護一切衆生。令任於道。無空過者。解脫門。

疏八。令物離邪。則能任正。爲守護矣。然任正道者。
則不分別是邪是正。云不思議。鈔任正道者下。
卽淨名入不二法門品中珠頂王菩薩之言。

富財夜叉王得增長一切衆生福德聚令恒受快樂解脫門。

疏九集福德因受快樂果由身智光得增長也。

力壞高山夜叉王得隨順憶念出生佛力智光明解脫門。

疏十念佛修因生十力果天未證極故云隨順。

爾時多聞大夜叉王承佛威力普觀一切夜叉衆會而說頌言。

疏偈中亦十文顯可知。

衆生罪惡深可怖於百千劫不見佛漂流生死受衆

苦爲救是等佛興世。

如來救護諸世間悉現一切衆生前息彼畏塗輪轉苦如是法門音王入。

衆生惡業爲重障佛示妙理令開解譬以明燈照世間此法嚴仗能觀見。

佛昔劫海修諸行稱讚十方一切佛故有高遠大名聞此智慧王之所了。

智慧如空無有邊法身廣大不思議是故十方皆出現。談目於此能觀察。

一切趣中演妙音說法利益諸羣生其聲所暨衆苦

滅。入此方便金剛眼。

一切甚深廣大義。如來一句能演說。如是教理等世間。勇健慧王之所悟。

一切衆生在邪道。佛示正道不思議。普使世間成法器。此勇敵軍能悟解。

世間所有衆福業。一切皆由佛光照。佛智慧海難測量。如是富財之解脫。

憶念往劫無央數。佛於是中修十力。能令諸力皆圓滿。此高幢王所了知。

復次善慧摩睺羅伽王。得以一切神通方便。令衆生

集功德解脫門。

疏第五摩睺羅伽衆十法。一。普現威光。各爲神通。不動性淨。示涅槃因。故云方便。依因集德。必得無依涅槃。

淨威音摩睺羅伽王。得使一切衆生除煩惱。得清涼。悅樂解脫門。

疏二。除惑契寂。是清淨因。清涼悅樂。是涅槃果。勝慧莊嚴。髻摩睺羅伽王。得普使一切善不善思覺。

衆生入清淨法解脫門。

疏三。善者善之。不善者佛示善之。善覺示亡。乃入

本淨。鈔善者善之等。卽道德經云。善者吾善之。不善者吾亦善之。

妙目王摩睺羅伽王。得了達一切無所著。福德自在平等相解脫門。

疏四。福非福相。染不可著。非福現福。各自在相。佛佛無二。是平等相。

燈幢摩睺羅伽王。得開示一切衆生。令離黑暗怖畏。道解脫門。

疏五。無智黑因。如燈開示。怖畏苦果。如幢爲歸。最勝光明。幢摩睺羅伽王。得了知一切佛功德。生歡

喜解脫門。

疏六。以知佛德同空。齊已一性。故歡喜也。

師子臆摩睺羅伽王。得勇猛力。爲一切衆生救護王。解脫門。

疏七。見理決斷。聞深不怖。聞淺不疑。聞非深非淺。意而有勇。八風不傾。爲勇猛力。旣以自正。必能正他。爲救護王。鈔聞深不怖等者。大分深義。所謂空也。聞說於空。謂同斷滅。故令人怖。故大品云。旣非先有。亦非後無。自性常空。勿生驚怖。聞淺不疑者。淺謂涉事。方便多門。則令疑惑。今知隨宜。何所

疑耶。聞非深非淺。謂無所據。使身心茫然。知非深
爲妙有。非淺爲真空。離身心相。方爲勇猛。可造斯
境。又此三句。亦卽三觀。初空。次假。後中道。三句齊
聞。一念皆會。

衆妙莊嚴。音摩睺羅伽王。得令一切衆生。隨意念生
無邊喜樂。解脫門。

疏八。往修喜因。故見念皆喜。

須彌臆摩睺羅伽王。得於一切所緣。決定不動。到彼
岸。滿足解脫門。

疏九。見理智成。則緣不動。智爲行本。諸度悉圓。亦

猶海納百川。更不流矣。

可慶樂光明摩睺羅伽王。得爲一切不平等衆生。開
示平等道。解脫門。

疏十。開生等理。示佛等應。破情不等。令悟性等。爲
平等道。

爾時善慧威光摩睺羅伽王。承佛威力。普觀一切摩
睺羅伽衆。而說頌言。

疏十偈如次。文顯可知。

汝觀如來性清淨。普現威光利羣品。示甘露道使清
涼。衆苦永滅無所依。

一切衆生居有海諸惡業惑自纏覆示彼所行寂靜法離塵威音能善了。

佛智無等叵思議知衆生心無不盡爲彼闡明清淨法如是嚴髻心能悟。

無量諸佛現世間普爲衆生作福田福海廣大深難測妙目大王能悉見。

一切衆生憂畏苦佛普現前而救護法界虛空靡不周此是燈幢所行境。

佛一毛孔諸功德世間共度不能了無邊無盡同虛空如是廣大光幢見。

如來通達一切法於彼法性皆明照如須彌山不傾動入此法門師子臆。

佛於往昔廣大劫集歡喜海深無盡是故見者靡不欣此法嚴音之所入。

了知法界無形相波羅密海悉圓滿大光普救諸衆生山臆能知此方便。

汝觀如來自在力十方降現罔不均一切衆生咸照悟此妙光明能善入。

復次善慧光明天緊那羅王得普生一切喜樂業解脫門。

疏第六緊那羅王十法。一世喜樂業。皆因佛生。

妙華幢緊那羅王。得能生無上法喜。令一切受安樂。

解脫門。

疏二聞深適神。故法喜無上。終得涅槃。無盡安樂。

種種莊嚴緊那羅王。得一切功德滿足。廣大清淨。信。

解藏解脫門。

疏三佛德深廣。信亦包含。

悅意吼聲緊那羅王。得恒出一切悅意聲。令聞者離。

憂怖。解脫門。

疏四音演真法令聞。故妄憂除而意悅。

寶樹光明緊那羅王。得大悲安立。一切衆生。令覺悟。

所緣解脫門。

疏五達境唯心。而本空。則安立衆生於覺悟。

普樂見緊那羅王。得示現一切妙色。身解脫門。

疏六難遇益生。所以示現相嚴。常任名爲妙色。

最勝光莊嚴緊那羅王。得了知一切殊勝莊嚴果。所。

從生業。解脫門。

疏七。大智普慈。是二嚴果。一切智因。是能生業。

微妙華幢緊那羅王。得善觀察一切世間業。所生報。

解脫門。

疏八業細難窮。自觀示物。

動地力緊那羅王。得恒起一切利益衆生事解脫門。

疏九神通益物。無間稱恒。

威猛王緊那羅王。得善知一切緊那羅心巧攝御解脫門。

疏十。知機巧化。謂攝心正智。御心如境。

爾時善慧光明天緊那羅王。承佛威力。普觀一切緊那羅衆而說頌言。

疏十頌次第。文並可知。

世間所有安樂事。一切皆由見佛興。導師利益諸衆

生。普作救護歸依處。

出生一切諸喜樂。世間咸得無有盡。能令見者不唐捐。此是華幢之所悟。

佛功德海無有盡。求其邊際不可得。光明普照於十方。此莊嚴王之解脫。

如來大音常演暢。開示離憂真實法。衆生聞者咸欣悅。如是吼聲能信受。

我觀如來自在力。皆由往昔所修行。大悲救物令清淨。此寶樹王能悟入。

如來難可得見聞。衆生億劫時乃遇。衆相爲嚴悉具

足此樂見王之所觀。

汝觀如來大智慧。普應羣生心所欲。一切智道靡不
宣。最勝莊嚴此能了。

業海廣大不思議。衆生苦樂皆從起。如是一切能開
示。此華幢王所了知。

諸佛神通無間歇。十方大地恒震動。一切衆生莫能
知。此廣大力恒明見。

處於衆會現神通。放大光明令覺悟。顯示一切如來
境。此威猛王能觀察。

復次大速疾力迦樓羅王。得無著無礙眼。普觀察衆

生界解脫門。

疏第七迦樓羅王。依賢首靜法。皆云準頌長行脫

第五執持王。一。智無著故。見無礙。悲普觀。故通悉

調。

不可壞寶髻迦樓羅王。得普安住法界教化衆生解
脫門。

疏二。徧坐覺樹。各住法界。現通說法。名爲教化。

清淨速疾迦樓羅王。得普成就波羅密。精進力解脫
門。

疏三。進策諸度。往修故成。

不退心莊嚴迦樓羅王得勇猛力入如來境界解脫門。

疏四境界如偈文絕思則入方為勇猛。

大海處攝持力迦樓羅王得入佛行廣大智慧海解脫門。

疏五諸本多脫遇本有文云大海處攝持力迦樓

羅王得能竭衆生煩惱海解脫門多是古疏本脫

今依有本然偈約能竭說佛福智今南藏能竭衆生煩惱海

堅法淨光迦樓羅王得成就無邊衆生差別智解脫門。

疏六衆生無邊故成就智多。

妙嚴冠髻迦樓羅王得莊嚴佛法城解脫門。

疏七城有三義一防外敵二養人衆三開門引攝

鈔城有三義下文有二意初解長行城義後會

偈頌門義前中有三初立城三義。

疏今言法城通教理行果行契理教則無不俱嚴

故鈔次今言法城已下出城體。

疏各有三義謂了心城之性空則衆惑不入見恒

沙性德則萬行爰增道無不通則自他引攝鈔

三各有三義下別釋教理行果皆有防外敵等三

而四法爲三。以理行合釋。非理不顯行。非行不顯理。故謂若了心城之性空。則衆惑不入。是防外敵。義性空是理。謂自性淨心。不與妄合。卽理防外敵。了空卽行。衆惑不入。卽行爲城。各防外敵。見恒沙性德。則萬行爰增。卽是第二養人衆義。恒沙性德。是不空藏。是理所養。見卽行體。萬行爰增。卽行養人衆義。以知法性本寂。有大智慧。增定慧等。道無不通。則自他引攝者。第三開門引攝義。道無不通。言含二意。一理卽是道。無不通故。卽開門引攝。二行契於道。則無所不通。故能引攝。二利之行。

疏便能契果。絕百非。以成解脫。養衆德。以全法身。開般若而無不通矣。鈔便能契下。約果城說三義。果由理行。故便能卽契果位。三德爲涅槃城之三義矣。

疏方顯教城。無非養所詮旨。句句通神。鈔方顯教城下。第三由上三城。皆因能詮。方顯教功。三義可思。

疏有斯多義。故偈云。廣大叵窮。重重四門。故無數量。究竟能闡。唯我世尊。鈔有斯多義下。二會釋偈文。重重四門者。且第一重。卽是四句。謂一有門。

二空門。三亦空亦有門。四非空非有門。天台以斯歷於四教。則有四箇四門。畧如前玄談中辨。今且於一重四句中。更有四重四門。然執著成見。取成四謗。得意爲門。今取門義。言四重者。一卽單四句。如向所說。二複四句。謂一有有有無。二無有無無。三亦有亦無有。亦有亦無無。四非有非無有。非有非無無。而言複者。四句之中。皆說有無故。第三具足四句者。四句之中。皆具四故。第一有句具四者。謂一有有。二有無。三有亦有亦無。四有非有非無。第二無句中四者。一無有。二無無。三無亦有亦無。

四無非有非無。第三亦有亦無具四者。一亦有亦無有。二亦有亦無無。三亦有亦無亦有亦無。四亦有亦無非有非無。第四非有非無具四者。一非有非無有。二非有非無無。三非有非無亦有亦無。四非有非無非有非無。上四四一十六句。爲具足四句。第四絕言四句者。一單四句外一絕言。二複四句外一絕言。三具足四句外一絕言。有三絕言。若爲見釋。上諸四見。一一皆有八十八使相應。是見卽外道見故。若約佛法。歷四教四門。各生四見。又一種四句。各一絕言。如是一一亦各有八十八使。

撰述
國府頭金卷三
六十二見百八等惑。若破諸見。一一見破。一一成門。故云重重四門。又重重者。如一有無門。具諸四句。則歷常無常。我無我等。亦有多四句。謂一有無常。二無無常。三亦有亦無無常。四非有非無無常等。又歷萬行。謂布施等。如云一有布施。二無布施。三亦有亦無布施。四非有非無布施等。普捷示現迦樓羅王。得成就不可壞平等力。解脫門。疏八。法身無相。故不可壞。體卽真如。凡聖平等。無分別智。安在證會。名成就力。

普觀海迦樓羅王。得了知一切衆生身而爲現形解

脫門。

疏九。現同類形。方便調伏。

龍音大目精迦樓羅王。得普入一切衆生。發生行智。解脫門。

疏十。衆生發生。皆由行業。佛生死智。方能普入。

爾時大速疾力迦樓羅王。承佛威力。普觀一切迦樓羅衆。而說頌言。

疏頌文如次配釋可知。

佛眼廣大無邊際。普見十方諸國土。其中衆生不可量。現大神通悉調伏。

佛神通力無所礙。徧坐十方覺樹下。演法如雲悉充滿。寶髻聽聞心不逆。

佛於往昔修諸行。普淨廣大波羅密。供養一切諸如來。此速疾王深信解。

如來一一毛孔中。一念普現無邊行。如是難思佛境界。不退莊嚴悉明覩。

佛行廣大不思議。一切衆生莫能測。導師功德智慧海。此執持王所行處。

疏但第五偈。或有前脫。故畧釋之。初二句甚深廣大。次句福智相嚴。行通因果。因深果遠。已不思議。

復有一行是如來行。所謂大乘大般涅槃。則行爲果果。皆絕言道。佛行如出現品。鈔復有一行是如來行。卽涅槃第十一。至下更引。

如來無量智慧光。能滅衆生痴惑網。一切世間咸救護。此是堅法所持說。

法城廣大不可窮。其門種種無數量。如來處世大開闡。此妙冠髻能明入。

一切諸佛一法身。眞如平等無分別。佛以此力常安住。普捷現王斯具演。

佛昔諸有攝衆生。普放光明徧世間。種種方便示調

伏此勝法門觀海悟。

佛觀一切諸國土悉依業海而安住。普雨法雨於其中。龍音解脫能如是。

復次羅睺阿修羅王。得現為大會尊勝王解脫門。

疏第八阿修羅王十法。一修羅尊勝等須彌之高。如來威光蔽十方大衆。衆生各見真勝王也。

毘摩質多羅阿修羅王。得示現無量劫解脫門。

疏二。彼能以一絲作種種事。令一刹那現於多劫調生等事。

巧幻術阿修羅王。得消滅一切衆生苦。令清淨解脫

門。

疏三。以多法門入佛境界。則苦滅心淨。種種法門亦如幻也。下云。苦末羅卽巧幻梵音。

大眷屬阿修羅王。得修一切苦。行自莊嚴解脫門。

疏四。多劫多苦。爲物非已。如尸毘救鴿。薩埵投崖。已是丈夫最勝嚴飾。况終尅寂智。萬德以嚴。翻顯

無利勤苦。誠爲可醜。旣爲物而行。故有大眷屬。

鈔如尸毘王代鴿。卽智論第五。及報恩經。皆本師本行。如常所知。

婆稚阿修羅王。得震動十方無邊境界解脫門。

疏五以大幻通力。動刹悟機。不怖衆生。斯爲大力。大力婆稚華梵異耳。

徧照阿修羅王。得種種方便安立一切衆生解脫門。疏六開種種權門。安衆生於一極之樂。權爲入大之本故。皆佛智因權實不迷。斯爲徧照。

堅固行妙莊嚴阿修羅王。得普集不可壞善根淨諸染著解脫門。

疏七萬善順理。普不可壞。斯解脫處。何染不亡。功歸正覺。故偈云佛力。如是修者。堅固妙嚴。

廣大因慧阿修羅王。得大悲力無疑惑。王解脫門。

疏八悲用智故。普令無疑。王斯事者。廣大因慧。現勝德阿修羅王。得普令見佛承事供養修諸善根解脫門。

疏九供事修善。有勝德故。

善音阿修羅王。得普入一切趣。決定平等行解脫門。疏十普入諸趣。明處無不徧偈云三世時無不均。同有佛性名爲決定。具上三義。平等行焉。不宣實義。非善音也。此上一段。及後夜神。皆結歸名。上下例然。恐繁不釋。

爾時羅睺阿修羅王。承佛威力。普觀一切阿修羅衆

而說頌言。

疏頌文如次可知。

十方所有廣大衆佛在其中最殊特。光明徧照等虛空。普現一切衆生前。

百千萬劫諸佛土。一刹那中悉明現。舒光化物靡不周。如是毘摩深讚喜。

如來境界無與等。種種法門常利益。衆生有苦皆令滅。苦末羅王此能見。

無量劫中修苦行。利益衆生淨世間。由是牟尼智普成大眷屬。王斯見佛。

無礙無等大神通。徧動十方一切利。不使衆生有驚怖。大力於此能明了。

佛出於世救衆生。一切智道咸開示。悉令捨苦得安樂。此義徧照所弘闡。

世間所有衆福海。佛力能生普令淨。佛能開示解脫處。堅行莊嚴入此門。

佛大悲身無與等。周行無礙悉令見。猶如影像現世間。因慧能宣此功德。

希有無等大神通。處處現身充法界。各在菩提樹下坐。此義勝德能宣說。

撰述

善嚴師金卷二

三

支那

善嚴師金卷三

三

如來往修三世行。諸趣輪迴靡不經。脫衆生苦無有餘。此妙音王所稱讚。

復次示現宮殿主晝神。得普入一切世間解脫門。

疏自下第三諸神衆有十九衆。今初主晝神十法。

一。智了物心。如空入色。光照身器。如日合空。身徧

器中。如像在鏡。世間主力。能攝此身。此身之性等

世間故。皆入觀機。故名普入。所入之處。卽爲宮殿

鈔智了物心。如空入色者。取下偈意。偈中如空

是喻。光明之言。合於法喻。餘皆是法。法喻相對畧

有三入。一。以初句佛智爲能入。第二句衆生心行

爲所入。入者了達義。故八十經云。佛智廣大同虛

空。徧徧一切衆生心。悉了世間諸妄想。不起種種

異分別。此卽智了物心。而云如空入色者。出現品

云。譬如虛空徧至一切色。非色處。二言光照身器

如日合空者。卽以第二句光明爲能入。第四句爲

所入。一切世間。卽衆生世間。及器世間。故云光照

身器。卽取上空喻爲所入。取光明上法喻。皆爲能

入。光通二種。身光照事。智光雙照事。理三身徧器

中。如像在鏡者。卽唯取第四句。自有能所。則無不

入。言通三種入。一。光入。二。智入。如上已說。三身入。

但言無不入不揀身故而言如像在鏡者將上如空普徧喻此亦齊今旁出一喻以喻身入質來對鏡鏡中見像像是質像機感對利利中見佛佛是心佛世間主力下上是佛德今攝就畫神故云能攝此身此身之性等世間故者彰入所以智身色身皆等世間論云智性色性皆相即故皆入觀機彰入之意並釋普字結歸長行所入之處下結歸神名以難見故所以偏結隨緣非有之法身等至第五經當釋

發起慧香王畫神得普觀察一切衆生皆利益令歡喜滿足解脫門。

疏二義圓稱機故滿心成益。

樂勝莊嚴王畫神得能放無邊可愛樂法光明解脫門。

疏三身法二光皆可愛樂。

華香妙光王畫神得開發無邊衆生清淨信解心解脫門。

疏四法用潤種已含實者解開善未芽者信發。

普集妙藥王畫神得積集莊嚴普光明力解脫門。

疏五無法不悟名普明力曠劫修集成智莊嚴。

樂作喜目王晝神得普開悟一切苦樂衆生皆令得法樂解脫門。

疏六方便開示世樂亦苦令其悟入見理法樂如歡喜地也。

觀方普現王晝神得十方方法界差別身解脫門。

疏七如來身雲就體則非有無約機則差別徧於十方不可謂之無約佛則稱眞法界不可謂之有此則隨緣非有之法身恒不異事而顯現以化寂滅非無之衆生恒不異眞而成立卽無差別之差別也。

大悲威力王晝神得救護一切衆生令安樂解脫門。

疏八處危者護之令安有苦者救之令樂。

善根光照王晝神得普生喜足功德力解脫門。

疏九衆生暗於多欲故沉淪長夜以法開曉喜足爲先喜足智俱是功德力能令離苦得安樂故。

妙華瓔珞王晝神得聲稱普聞衆生見者皆獲益解脫門。

疏十有覺德行故名稱普聞旣福廣名高故不虛其益。鈔十有覺德行者卽毛詩言注云覺大也。

爾時示現宮殿王晝神承佛威力普觀一切王晝神

衆而說頌言。

疏偈文可知。

佛智如空無有盡。光明照曜徧十方。衆生心行悉了知。一切世間無不入。

知諸衆生心所樂。如應爲說衆法海。句義廣大各不同。具足慧神能悉見。

佛放光明照世間。見聞歡喜不唐捐。示其深廣寂滅處。此樂莊嚴心悟解。

佛雨法雨無邊量。能令見者大歡喜。最勝善根從此生。如是妙光心所悟。

普入法門開悟力。曠劫修持悉清淨。如是皆爲攝衆生。此妙藥神之所了。

種種方便化羣生。若見若聞咸受益。皆令踊躍大歡喜。妙眼晝神如是見。

十方應現徧世間。十方法界悉無餘。體性非無亦非有。此觀方神之所入。

衆生流轉險難中。如來哀愍出世間。悉令除滅一切苦。此解脫門悲力住。

衆生闇覆淪永夕。佛爲說法大開曉。皆使得樂除衆苦。大善光神入此門。

撰述
華嚴疏鈔卷三
如來福量同虛空。世間衆福悉從生。凡有所作無空過。如是解脫華纓得。

復次普德淨光王夜神。得寂靜禪定樂。大勇健解脫門。

疏第二。王夜神十法。初七夜神。是善財十地善友。見解深廣。彌顯衆海。法門難思。一。普德淨光。卽善財離垢地善友。彼名全同。法門名寂靜禪定樂。普游步。普游步言。卽大勇健也。寂靜禪定樂。卽是定體。現法樂住。故名爲樂。大勇健者。卽是定用。健則堪能。勇則無畏。謂見佛靜機。游戲神通。故名勇健。

亦游步也。勇健廣大。故稱普德。無惑智俱。可謂淨光。

喜眼觀世王夜神。得廣大清淨可愛樂功德相解脫門。

疏二。卽發光地善友。彼名喜目。觀察衆生。解脫名大勢力。普喜幢。謂此解脫德無不備。化無不周。名大勢力。卽今廣大身。惑俱淨。無不樂見。故云普喜。悲爲德相。卽幢義也。觀察普喜。名爲喜目。

護世精氣王夜神。得普現世間調伏衆生。解脫門。疏三。卽談慧地善友。彼名普救衆生妙德。護世精

氣方是救生。由護生故。顯德之妙也。法門全同。次第又當。謂感必現前。調令清淨故。

寂靜海音王夜神。得積集廣大歡喜心解脫門。

疏四。卽難勝地善友。彼名寂靜音海。法門名念念出生。廣大喜莊嚴。念念出生。卽積集義。見佛利生。故生大喜。莊嚴二義。一見佛修歡喜因。嚴樂見果。故二積集此喜。神自莊嚴。由定發音。名寂靜音。深廣如海。

普現吉祥王夜神。得甚深自在悅意音解脫門。

疏五。卽現前地善友。彼云守護一切城增長威力。

偈云。尸利以梵音含於二義。一云吉祥。二翻爲守。故下譯跋陀室利以爲賢首。又以首字音同義別。彼爲頭首。法界品中。乃爲守護。皆譯者方言少融耳。若以義會。增長威力。卽是普現吉祥。正當次第。法門又同。彼云甚深自在妙音。解脫妙音。故悅意。悅則意淨。卽寂能演。故名自在。

普發樹華王夜神。得光明滿足廣大歡喜藏解脫門。疏六。卽遠行地善友。彼云開敷一切樹華。一切開敷。卽普發也。法門彼云菩薩出生廣大喜光明。文少倒畧耳。舊經云。菩薩無量歡喜知足光明。知足

滿足文相近也。謂能知如來巧智示法大福威光。故曰光明。佛以福智滿足物心。則含喜名藏。

平等護育。王夜神得開悟。衆生令成熟。善根解脫門。疏七節不動地善友。彼名大願。精進力救護一切衆生。法門名教化。衆生令生善根。教化開悟。文異義同。令生成熟。始終異耳。謂現通示相。皆爲調化。一切善根。皆令生長。平等護育。卽救護一切。精進大願。故亂爲之。今文畧耳。

遊戲快樂。王夜神得救護。衆生無邊慈解脫門。

疏八念念久修。恒徧救護。是無邊慈也。此與善財

歡喜地善友似同。而文多異。又非其次。故但直釋諸根常喜。王夜神得普現莊嚴。大悲門解脫門。

疏九於三毒難壞衆生。以大悲門現莊嚴身。故石室留影。毒龍心革。況現身耶。鈔石室留影。毒龍心革者。革變也。卽觀佛三昧海經。彼事極長。今當畧意。卽第七經。佛告阿難云。如來到那乾訶羅國。古仙山。蒼葡萄華林。毒龍池側。青蓮華泉。北羅刹穴中。阿那斯山南。爾時彼穴有五羅刹。化作龍女。與毒龍通。龍復降雹。羅刹亂行。饑饉疾疫。已歷四年。時王驚懼。禱祀神祇。於事無益。下取意引。有一梵

撰述
聖廟疏鈔卷三
志讚佛功德。彼王焚香遙請如來。如來受那乾訶羅王弗巴浮提請。廣現神變。羅刹毒龍既受化已。爾時龍王長跪合掌。勸請世尊。唯願如來常住此間。佛若不在。我發惡心。無由得成。無上菩提。世尊不離龍窟。復受王請。入城教化。遊行往昔行菩薩道處。諸龍皆從。聞佛欲還。復啼哭再淚。白佛言。世尊。請佛常住。云何捨我。我不見佛。當作惡事。墜墮惡道。爾時世尊安慰龍王。我受汝請。坐汝窟中。千五百歲。釋迦文佛。踴身入石。猶如明鏡。見人面像。諸龍皆見佛在石內。影現於外。爾時諸龍合掌歡

喜。不出其池。常見佛日。爾時世尊結跏趺坐。在石壁內。衆生見時。遠望則見。近則不現。諸天百千供養佛影。影亦說法。時梵天王合掌恭敬。以偈頌曰。如來處石窟。踴身入石裏。如日障礙。金光相具足。我今頭面禮。牟尼救世尊。經文甚廣。復令衆生觀於佛座。見丈六像。坐於草座。作一石窟。高丈八尺。深二十四步。青白石相。又想此窟成七寶窟。復見佛像。踴入石壁等。廣弘明集說。遠公有石影讚說。處所與經全同。云在西域。那伽訶羅國。南山谷。仙石室中。度流沙。逕道。去此一萬五千八百五十

里感世之應備於別傳西域記第八亦說遠公序云昔遇西域沙門輒殮遊方之說知有佛影而傳者尚未曉然及在此山值尉賓禪師南國律學道士與昔聞既同並是其人遊歷所經因其詳問乃圖之爲銘曰廓矣大象理玄無名體神入化落影離形迴輝層巖凝映虛亭在陰不昧處暗逾明婉出蟬蛻朝宗百靈應不同方迹絕兩冥其一茫茫荒宇靡勸靡獎淡虛寫容拂空傳像相具體微冲資自朗白毫吐曜昏夜中爽感誠乃應扣機發響留音停岫津悟冥賞撫之有會功弗由曩其二餘

如廣弘明集尉賓禪師卽耶舍三藏

示現淨福王夜神得晉使一切衆生所樂滿足解脫門。

疏十本爲衆生故成自德令他樂滿

爾時普德淨光王夜神承佛威力徧觀一切王夜神衆而說頌言。

汝等應觀佛所行廣大寂靜虛空相欲海無涯悉治淨離垢端嚴照十方。

疏偈中十偈如次初中初句解脫之力能觀次句卽寂靜樂神以此定觀佛此體故下經云普見三

世佛而無取著。以知如來無相。性相本空故。故云寂靜虛空相也。次句卽大勇健。準下經則自他兼淨也。次句定果也。上約佛說。若約天說。卽四句皆是定用。以任此解脫。能見佛體用因果故。

一切世間咸樂見。無量劫海時一遇。大悲念物靡不周。此解脫門觀世觀。

導師救護諸世間。衆生悉見在其前。能令諸趣皆清淨。如是護世能觀察。

疏二三可知。

佛昔修治歡喜海。廣大無邊不可測。是故見者咸欣樂。此是寂音之所了。

疏四中稱理徧喜。爲廣大無邊。縱內心不搖。而外現威怒。更深難測。

如來境界不可量。寂而能演徧十方。普使衆生意清淨。尸利夜神聞踊悅。

疏五以寂故能徧。

佛於無福衆生中。大福莊嚴甚威曜。示彼離塵寂滅法。普發華神悟斯道。

疏六以衆生本來自盡。故是寂滅。是以智窮妄本。理無不顯。妄徹真源。惑無不盡。喜方滿足。餘四可

知。

十方普現大神通。一切衆生悉調伏。種種相皆令見。此護育神之所觀。

如來往昔念念中。悉淨方便慈悲海。救護世間無不徧。此福樂神之解脫。

衆生愚癡常亂濁。其心堅毒甚可畏。如來慈愍爲出興。此滅冤神能悟喜。

佛昔修行爲衆生。一切願欲皆令滿。由是具成功德相。此現福神之所見。

復次徧住一切主方神。得普救護力。解脫門。

疏第三主方神十法。一。現身說法。令悟得果。皆救護力。

普現光明主方神。得成辦化一切衆生神通業。解脫門。

疏二。神通示相。是能成辦業。衆生出苦。是所成辦業。

光行莊嚴主方神。得破一切闇障。生喜樂。大光明解脫門。

疏三。法光破闇。闇斷智生。智與法喜俱生。斷以寂滅爲樂。

周行不礙。主方神得普現一切處。不唐勞解脫門。

疏四。普現說法。聞必惑滅。故不唐勞。

永斷迷惑。主方神得示現等一切衆生數名號發生。

功德解脫門。

疏五。聖人無名。隨物立名。貴在生德。及滅惑耳。

徧遊淨空。主方神得恒發妙音。令聽者皆歡喜解脫。

門。

雲幢大音。主方神得如龍普雨。令衆生歡喜解脫門。

疏六七可知。

髻目無亂。主方神得示現一切衆生業無差別自在。

力解脫門。

疏八。業同性空。並不失報。俱無差異。性相無礙。爲

自在力。說能感報。令除惡業。說業性空。善業亦亡。

普觀世業。主方神得觀察一切趣生中種種業。解脫

門。

疏九。前約說業性相。令物絕業。此約知業差別。擬

隨機化。

周徧遊覽。主方神得所作事皆究竟生一切衆生歡

喜解脫門。

疏十。世人靡不有初。鮮克有終。今聖人。有志有能。

故所作究竟。世人以人隨欲不能兼亡。今有慈有
愍。故令物喜。謂十波羅密無不究竟。四無量心。令
物歡喜。鈔世人靡不有初等者。本卽毛詩。王注
周易亦用此言。靡無也。鮮少也。克能也。世人以人
隨欲者。書云。小人以人從欲。君子以欲從人。言不
能兼亡者。亡無也。然兩字相連。卽莊子意。而亡字
有心。則自他相忘。不恃已功也。今云兼於無道之
人耳。

爾時徧任一切王方神。承佛威力。普觀一切王方神
衆而說頌言。

疏頌中次第配釋可知。

如來自在出世間。教化一切諸羣生。普示法門令悟
入。悉使當成無上智。

神通無量等衆生。隨其所樂示諸相。見者皆蒙出離
苦。此現光神解脫力。

佛於闍障衆生海。爲現法炬大光明。其光普照無不
見。此行莊嚴之解脫。

具足世間種種音。普轉法輪無不解。衆生聽者煩惱
滅。此徧任神之所悟。

一切世間所有名。佛名等彼而出生。悉使衆生離癡

惑此斷迷神所行處。

若有衆生至佛前。得聞如來美妙音。莫不心生大歡喜。徧遊虛空悟斯法。

佛於一一剎那中。普雨無邊大法雨。悉使衆生煩惱滅。此雲幢神所了知。

一切世間諸業海。佛悉開示等無異。普使衆生除業惑。此髻目神之所了。

一切智地無有邊。一切衆生種種心。如來照見悉明了。此廣大門觀世入。

佛於往昔修諸行。無量諸度悉圓滿。大慈哀愍利衆生。此徧遊神之解脫。

復次淨光普照王空神。得普知諸趣一切衆生心解脫門。

疏第四王空神。長行十法。一。智慧造理。則十眼廣照。日月合空。則萬象歷然。

普遊深廣王空神。得普入法界解脫門。

疏二身智二光徧入法界。

生吉祥風王空神。得了達無邊境界身相解脫門。

疏三佛身如空。是無邊境。無生無染。爲吉祥風。

離障安住王空神。得能除一切衆生業惑障解脫門。

疏四廣說聖道則離三障安住二空。

廣步妙髻王空神得普觀察思惟廣大行海解脫門。

疏五上求下化名廣大行為安衆生如妙髻焉。

無礙光燄王空神得大悲光普救護一切衆生厄難

解脫門。

疏六沉生死之厄難悲智光以濟之。

無礙勝力王空神得普入一切無所著福德力解脫

門。

疏七不礙福智相導是謂勝力。

離垢光明王空神得能令一切衆生心離諸蓋清淨

解脫門。

疏八惑由智遣。

深遠妙音王空神得普見十方智光明解脫門。

疏九妙音善說。

光徧十方王空神得不動本處而普現世間解脫門。

疏十不壞本處而稱周十方。

爾時淨光普照王空神承佛威力普觀一切王空神

衆而說頌言。

疏偈中十頌如次。

如來廣大目清淨如虛空普見諸衆生一切悉明了。

佛身大光明。徧照於十方。處處現前住。普遊觀此道。佛身如虛空。無生無所取。無得無自性。吉祥風所見。疏三中。空有四義。合於五法。一。離能取生。卽絕妄想。二。離所取相。無相無名。三。境無自性。卽是如如。四。心無所得。是爲正智。迷如以成名相。妄想是生。悟名相之本如。執翻成智。如外無智智體卽如。此二猶空。寂照無礙。如斯見佛。是曰吉祥。鈔空有四義。合於五法者。四義卽無生等。五法卽名等。今當先釋五法。後消疏文。五法經論皆具。且依楞伽別次者。則名相妄想正智如如。以爲其次。若瑜伽

七十二云。一相。二名。三分別。四真如。五正智。分別卽妄想異名。相謂言談安足事處。名卽於相所有增語。分別謂三界行中。所有心心所。真如謂無爲法。無我所顯。聖智所行。非一切言談安足事處。正智畧有二種。一。唯出世間正智。二世間出世間正智。釋曰。上卽根本。下卽後得。此之五法。爲假爲實。然相通假實。亦具假實。二有各唯假有。分別同相。以有三界心心所實法。故是實有。若虛妄計度。故是假有。真如唯實有。二智俱實有。此五二諦。何諦所攝。前三世俗有。真如勝義有。根本智勝義有。後

撰述
華嚴疏鈔卷三
得智通二有五從何生名從欲生相與分別俱從
想分別生真如無生智從聽聞正法如理作意生
此之五法爲一爲異今且將相望餘四法論異不
異者一相與名若異各應實有不異取相應得名
二與分別若異則分別應非相若不異分別外相
應以分別爲性三與真如若異則相之勝義應非
是如觀者應捨相求如正覺真如應不覺相若不
異真如無差別相亦無差別得相之時應得真如
又得真時亦應得相應不清淨四相與正智如相
與分別說應知名與分別及正智及分別於正智

皆當言異餘畧可知已知五法名相差別今當消
疏疏中先以五法屬文後迷如下辨因起融攝言
迷如以成名相則妄想是生者此顯迷時唯有二
法一名二相三妄想故此五法通該一切而不必
同時謂妄想正智此必不並故今有妄想決無正
智其如如名相則有隱顯此中迷故如如則隱名
相則顯次云悟名相之本如執翻成智者此顯悟
時但有其二一正智二如如既有正智決無妄想
了得如如名相則隱雖不壞相舉體卽空理奪於
事無不蕩盡是故空中無色等法故楞伽云謂了

撰述
聖屬師金卷三
名相及與妄想體不可得。名爲正智。如如卽是名相。妄想本自不生。釋云。名相不生。則境如矣。妄想不生。則心如矣。了心境如。是爲正智。故唯正智及如如存。次云。如外無智。智體卽如者。復融上二以爲一味。如外無智。卽以如攝智。智體卽如。是以智攝如。合爲一味。故下經云。無有智外。如爲智所入。亦無如外。智能證於如。卽斯義也。故疏結云。此二猶空。寂照無礙。寂卽是如。照卽正智。如日合空。雖有一事。一相難分。

如來無量劫。廣說諸聖道。普滅衆生障。圓光悟此門。疏四中長行及列。並名安住。今云圓光。圓光表智。安住表定。二事相資。前後互舉。並能滅障。於理無違。

我觀佛往昔。所集菩提行。悉爲安世間。妙髻行斯境。一切衆生界。流轉生死海。佛放滅咎光。無礙神能見。疏六中。生死海者。瑜伽七十三云。五法相似。生死得大海名。一處無邊相似故。二甚深故。三難度故。四不可飲故。五大寶所依故。釋曰。由前四義。衆生流轉。由第五義。菩薩入之。且約分喻。第九十云。由三相故。不同水海。一自性不同。分謂水海。唯色一分。

二淪沒不同。唯人畜故。唯沒身故。三超度不同。未離欲者。亦能度。故生死海反。上可思。○餘七偈可知。

清淨功德藏。能爲世福田。隨以智開覺。力神於此悟。衆生癡所覆。流轉於險道。佛爲放光明。離垢神能證。智慧無邊際。悉現諸國土。光明照世間。妙音斯見佛。佛爲度衆生。修行徧十方。如是大願心。普現能觀察。復次無礙光明王風神。得普入佛法及一切世間解脫門。

疏第五。主風神十法。一。以方便風。合智日光。智入

深法。而無障礙。身入世間。而無影像。

普現勇業王風神。得無量國土。佛出現。咸廣大供養解脫門。

疏二。菩薩以求菩提之大心。持稱真之供具。等虛空之廣大。不礙事之繁多。而以全法之身。一念供無邊之佛。如彼風力。無不成也。

飄擊雲幢王風神。得以香風。普滅一切衆生病。解脫門。

疏三。長風忽來。浮雲散滅。慈風忽起。惑苦病亡。

淨光莊嚴王風神。得普生一切衆生善根。令摧滅重

障山解脫門。

疏四福智莊嚴之風摧壞如山之障。

力能竭水王風神得能破無邊惡魔衆解脫門。

疏五十力降魔十軍皆殄獨名竭水者欲愛爲初故。鈔十力降魔十軍皆殄者智論第六云欲是汝初軍憂愁軍第二饑渴軍第三渴愛軍第四睡眠軍第五怖畏軍第六疑軍爲第七舍壽軍第八利養軍第九著虛妄名聞自高軍第十輕慢於他人汝等軍如是一切世間人及諸一切天無能破之者我以智慧箭修定智爲弓摧破汝魔軍如坏

鉞沒水今以愛欲爲水故偏語之。

大聲徧吼王風神得永滅一切衆生怖解脫門。

疏六毛孔慈音滅除五怖若百竅異吹徧吼悅機

鈔言若百竅異吹者義則可知事出莊子。

樹杪垂髻王風神得入一切諸法實相辨才海解脫門。

疏七智入實相故妙辨如海如風擊樹故能下垂

普行無礙王風神得調伏一切衆生方便藏解脫門。

疏八調生方便爲智所入故名爲藏。

種種宮殿王風神得入寂靜禪定門滅極重愚癡闇

解脫門。

疏九。禪定宮殿。必定慧雙游。故能滅癡闇。約佛則動寂無二。見必滅癡。

大光普照。王風神。得隨順。一切衆生。行無礙。力解脫門。

疏十。日月明照。非風不運。智行無礙。方便力焉。

爾時無礙光明王風神。承佛威力。普觀一切王風神衆。而說頌言。

疏十偈可知。

一切諸佛法甚深。無礙方便普能入。所有世間常出

現。無相無形無影像。

汝觀如來於往昔。一念供養無邊佛。如是勇猛菩提行。此普現神能悟了。

如來救世不思議。所有方便無空過。悉使衆生離諸苦。此雲幢神之解脫。

衆生無福受衆苦。重蓋密障常迷覆。一切皆令得解脫。此淨光神所了知。

如來廣大神通力。克殄一切魔軍衆。所有調伏諸方便。勇健威力能觀察。

佛於毛孔演妙音。其音普徧於世間。一切苦畏皆令

息此徧吼神之所了。

佛於一切衆刹海。不思議劫常演說。此如來地妙辨才。樹杪髻神能悟解。

佛於一切方便門。智入其中悉無礙。境界無邊無與等。此普行神之解脫。

如來境界無有邊。處處方便皆令見。而身寂靜無諸相。種種宮神解脫門。

如來劫海修諸行。一切諸力皆成滿。能隨世法應衆生。此普照神之所見。

信士濮玄華鄒邦奇自捨弁募刻此一卷

鄒邦奇三兩三錢 濮廣震二兩

倪維質五錢 徐潘五錢

顧鳳禎五錢 魯行恕三錢

倪維明三錢 濮廣岩七錢七分

大方廣佛華嚴經疏鈔卷三

終

支那

華嚴疏鈔卷三

終

漢述

華嚴疏鈔卷三

終

撰述

華嚴經疏卷三

五

大方廣佛華嚴經疏鈔卷四

于闐國三藏沙門實又難陀 譯

清涼山大華嚴寺沙門澄觀撰述

世主妙嚴品第一之四

復次普光燄藏王火神得悉除一切世間暗解脫門。

疏第六主火神長行十法有云準梵本此脫第四

一以進力現世除物無明以最初故偏從火義

普集光幢王火神得能息一切衆生諸惑漂流熱惱

些解脫門。

疏二惑有二義一漂二惱善巧廻轉則能息之。

支那

華嚴疏少卷四

一

長

大光徧照主火神得無動福力大悲藏解脫門。

疏三稱性之福相惑不動與大悲合自利不動俱能攝德無盡名藏。

衆妙宮殿主火神得觀如來神通力示現無邊際解脫門。此神名及法舊本無依今經補出頗與偈文相合。

疏四有云準梵本神名勝上藥光普照法門名普能除煩惱塵謂劫海行滿故今能現通滅惑偈云衆妙宮神同前列名衆妙即勝上義耳然諸本多無或有本則具云衆妙宮殿主火神得大慈悲廣陰衆生解脫門恐是傳寫脫漏耳。

無盡光髻主火神得光明照曜無邊虛空界解脫門。疏五光明照曜等者日光合空等空無際智符實相稱實無邊雖曠劫修成全同本有窮靈極數妙盡難思實爲惑本即是正因智照心源即是了因鈔日光合空等者初舉喻也智符已下二合以智合日以實相合空符者分而合也實相體上本有智光無始迷之今方朗悟即我始會之非照今有故與實相分而合也實相無邊智亦無邊如空無際光亦無際雖曠劫修成全同本有者以偈文會義也偈云億劫修成不可思求其邊際莫能知。

義乃修成智無際耳。何得分而合之。故今答云。雖則修成全同本有。是以經云。演法實相。令歡喜。故疏結云。窮靈極數。卽是修成妙盡難思。卽符本有。亦猶始覺同本覺。無復始本之異。爲究竟覺窮靈極數之言。卽肇論劉遺民所難般若無知論語。其二。但今談者。所疑於高論之旨。欲求聖心之異。爲謂窮靈極數妙盡冥符耶。爲將心體自然靈怕獨感耶。若窮靈極數妙盡冥符。則寂照之名。故是定慧之體耳。若心體自然靈怕獨感。則羣數之應。固已幾乎息矣。此公意云。若窮靈極數妙盡冥符。則

修極於無修。窮靈爲照。妙盡爲寂。亦是我之定慧。何用別立無知。若心體自然。靈怕獨感。則是體本無知。固合無乎應用。何以言般若無知。對緣而照。故結云。疑者當以撫會。應機觀變之知。不可謂之。不有。論主答云。意謂妙盡冥符。不可定慧爲名。靈怕獨感。不可稱羣數已息。兩言雖異。妙用常一。迹我而乖。在聖不殊也。釋云。觀肇公答上句云。既冥符心體。何可以定慧爲名。若以定慧爲名。則未符心體。答下句意云。靈怕獨感。與窮靈極數。二義相合。何得息於羣數之應。故云兩言雖異。在聖不殊。

一撰述
也。今疏總不用彼難答本意。借其問中一句。謂窮其靈鑑。極其數運。妙無不盡。則合心體難思耳。疏如空與日。今略申十義以辨難思。一。謂日與空。非卽非離。二。非住非不住。三。而日善作破闇良緣。顯空之要。四。雖復滅暗顯空。空無損益。五。理實無損事以推之。暗蔽永除。性乃無增。空界所含。萬像皆現。六。而此虛空性。雖清淨。若無日光。則有闇起。七。非以虛空空。故自能除暗。暗若除者。必假日光。八。日若無空。無光無照。空若無日。暗不自除。九。然此暗性。無來無去。日之體相。亦不生不滅。十。但有

日照空。則乾坤洞曉。以智慧日照心性空。亦有十義。準喻思之。鈔以智慧日照心性空下。總以法合。憑喻解法。故云思準。

疏非唯釋此一文。乃遠通衆經。該羅前後。

種種醖眼。主火神得種種福。莊嚴寂靜光解脫門。

疏六。體寂發照。名寂靜光。以斯成福。莊嚴身相。

十方宮殿。如須彌山。主火神得能滅一切世間諸趣。熾然苦解脫門。

威光自在。主火神得自在開悟一切世間解脫門。

疏七八。可知。

光照十方主火神得永破一切愚癡執著見解脫門。
疏九。分別法相永離不了愚癡。悟法實性。便無執著之見。

雷音電光主火神得成就一切願力。大震吼解脫門。
疏十。以行扶願。故能現世。作師子吼。

爾時普光燄藏主火神。承佛威力。普觀一切主火神衆而說頌言。

疏頌加第四。餘並可知。

汝觀如來精進力。廣大億劫不思議。爲利衆生現世間。所有暗障皆令滅。

衆生愚癡起。諸見煩惱如流。及火然。導師方便悉滅除。普集光幢於此悟。

福德如空無有盡。求其邊際不可得。此佛大悲無動力。光照悟入心生喜。

我觀如來之所行。經於劫海無邊際。如是示現神通力。衆妙宮神所了知。

億劫修成不可思。求其邊際莫能知。演法實相令歡喜。無盡光神所觀見。

十方所有廣大衆。一切現前瞻仰佛。寂靜光明照世間。此妙談神所了。

牟尼出現諸世間。坐於一切宮殿中。普雨無邊廣大法。此十方神之境界。

諸佛智慧最甚深。於法自在現世間。能悉闡明真實理。威光悟此心欣慶。

諸見愚癡爲暗蓋。衆生迷惑常流轉。佛爲闡闡妙法門。光照方神能悟入。

願門廣大不思議。力度修治已清淨。如昔願心皆出現。此震音神之所了。

復次普興雲幢王水神。得平等利益一切衆生慈解脫門。

疏第七王水神。長行十法。一無緣大慈。是曰平等海潮雲音王水神。得無邊法莊嚴解脫門。

疏二無邊行法。莊嚴自他。

妙色輪髻王水神。得觀所應化方便普攝解脫門。

疏三寂然不動以觀機。感而遂通以隨攝。若冬則積雪凝白。夏則無處不流。鈔寂然不動以觀機者。此言卽周易繫辭。具云夫易無思也。無爲也。寂然不動。感而遂通天下之故。今借此言也。

善巧漩渚王水神。得普演諸佛甚深境界解脫門。

疏四妙音演佛深旨。令悟妙法漩渚。

撰述
釋尊說金卷四
離垢香積主水神得普現清淨大光明解脫門。

疏五身智二光徧覺開化大充法界清淨無垢。

福橋光音主水神得清淨法界無相無性解脫門。

疏六證淨法界性相俱絕德無不見則大用不亡。

知足自在主水神得無盡大悲海解脫門。

疏七衆生不窮故大悲無盡滿而不溢有知足義。

焉流止從緣斯爲自在。

淨喜善音主水神得於菩薩衆會道場中爲大歡喜。

藏解脫門。

疏八處處見佛故大喜無窮喜從佛生卽佛名戲。

若聆泉流之響無不悅也。

普現威光主水神得以無礙廣大福德力普出現解。

脫門。

疏九性相無礙之福故能普現神通若空色相暎。

之流威光蕩漾。

吼聲徧海主水神得觀察一切衆生發起如虛空調。

伏方便解脫門。

疏十調生行廣如空無邊用靡暫停如空無盡。

爾時普興雲幢主水神承佛威力普觀一切主水神。

衆而說頌言。

撰述
華嚴疏鈔卷四
七
清淨慈門利塵數。共生如來一妙相。一一諸相莫不
然是。故見者無厭足。

疏偈中第一偈前半辨一相因果。次句例餘。後句
辨益。初言清淨者。離過無緣。故門如塵數者。隨宜
利樂。故以慈爲因。得妙相果。以相爲因。得無厭果。
然如來相有純有雜。此就純門。若以雜門。則隨一
相一毛。皆收如來法界行盡。亦相相皆爾。純雜無
礙。因果相融。圓成非分成。故佛一相一毛。卽同法
界。無有分量。今此神從一慈門入。無盡相耳。此約
十身之相。鈔前半辨一相因果等者。疏文有二。

先消經文辨十身相。後引經論辨三身相。今初言
純雜無礙。因果相融者。然如來相亦具四句。一。一
因一相。二。因一切相。此皆純門。三。一切因一相。
四。一切因一切相。皆是雜門。正純恒雜。雜而常純。
故云無礙。由因無礙。果相亦無礙。故得圓成。非分
成耳。以一切純雜無礙之行。成一相故。故此一相。
卽同法界。况因果交徹。因中有無盡之果。果中有
難思之因。

疏若三十二相之因。但說一相一因。如智度瑜伽
等論。涅槃大集等經。至相海品當引。鈔若三十

二相下。第二引經及論說三身相。唯語化身。而總指在餘。智論當三十二。瑜伽當四十九。涅槃二十九。經云。善男子。若菩薩摩訶薩。持戒不動。施心不移。安住實語。如須彌山。以是因緣。得足下平。如險底相。若於父母所。和尚師長。乃至畜生。以如法財。供養供給。以是因緣。得足下千輻輪相。若菩薩不殺不盜。於父母師長。常生歡喜。以是因緣。得成三相。一。手指纖長。二。足跟修長。三。其身方直。若菩薩修四攝法。攝取衆生。以是因緣。得網縵指。如白鸞王。若菩薩。父母師長。若病苦時。以手洗拭。捉持按

摩。以是因緣。得手足柔軟。若菩薩持戒。聞法惠施。無厭。以是因緣。得節踝臄滿。身毛上靡。若菩薩專心聽法。演說正教。以是因緣。得麤王臄。若菩薩於諸衆生。不生害心。飲食知足。常樂惠施。瞻病給藥。以是因緣。其身圓滿。如尼拘陀樹。立手過膝。頂有肉髻。無見頂相。若菩薩見怖畏者。爲作救護。見裸露者。施與衣服。以是因緣。得陰藏相。若菩薩親近智者。遠離愚人。善喜問答。掃治行路。以是因緣。皮膚細滑。身毛右旋。若菩薩常以飲食衣服。臥具醫藥。香華燈明。施人。以是因緣。得身金色。常光照曜。

羅述
華嚴經疏卷四
九
若菩薩行施之時。所施之物。能捨不悵。不觀福田。及非福田。以是因緣。得七處滿相。若菩薩布施之時。心不生疑。以是因緣。得柔軟聲相。若菩薩如法求財。以用布施。以是因緣。缺骨充滿。師子上身臂肘。臍纖。若菩薩遠離兩舌惡口。恚恨。以是因緣。得四十齒。白淨齊密。若菩薩於諸衆生。修大慈悲。以是因緣。得二牙相。若菩薩常作是願。有來求者。隨意給與。以是因緣。得師子頰。若菩薩隨諸衆生所須之食。悉皆與之。以是因緣。得味中上味。若菩薩自修十善。兼以化人。以是因緣。得廣長舌。若菩薩

不訟彼短。不謗正法。以是因緣。得梵音聲。若菩薩見諸怨憎。生於慈心。以是因緣。得目睫紺色。若菩薩不隱他德。稱揚其善。以是因緣。得白毫相。善男子。若菩薩修習如是三十二相業。因緣時。則得不退菩提之心。

世尊往昔修行時。普詣一切如來所。種種修治。無懈倦。如是方便。雲盲入。

佛於一切十方中。寂然不動。無來去。應化衆生。悉令見。此是髻輪之所知。

如來境界。無邊量。一切衆生。不能了。妙音演說。徧十

方。此善漩神所行處。世尊光明無有盡。充徧法界。不思議。說法教化度衆生。此淨香神所觀見。

疏第五偈。初言無盡。以顯光常。次充法界。以辨光徧。不思議者。以顯光深。非色現色。非青黃而青黃。故其第三句。是顯光用。餘八可知。

如來清淨等虛空。無相無形徧十方。而令衆會靡不見。此福光神善觀察。

佛昔修習大悲門。其心廣徧等衆生。是故如雲現於世。此解脫門知足。

十方所有諸國土。悉見如來坐於座。朗然開悟大菩提。如是喜音之所入。

如來所行無罣礙。徧徧十方一切刹處。處處示現大神通。普現威光已能悟。

修習無邊方便行。等衆生界悉充滿。神通妙用靡暫停。吼聲徧海斯能入。

復次出現寶光主海神。得以等心施一切衆生福德海。衆寶莊嚴身解脫門。

疏第八。主海神十法。頌脫第二。二爲物供佛。是等施福德。衆寶相以莊嚴身。

不可壞金剛幢王海神。得巧方便守護一切衆生善根解脫門。

疏二。巧隨根欲。說法護善。使其長成。

不雜塵垢王海神。得能竭一切衆生煩惱海解脫門。疏三。謂演深廣法。體煩惱空。梵本偈云。一切世間衆導師。法雲大雨不可測。消竭無窮諸苦海。此離垢塵入法門。若準此文。乃竭苦海。

恒住波浪王海神。得令一切衆生離惡道解脫門。

疏四。若見佛境。則惑亡苦息。準現經文。三是煩惱。四是於苦。若依梵本。前苦後惑。既譯人脫漏。致使

文義參差。故古德云。脫第四頌。結名既同。故知脫第三。恒住波浪者。卽是普用水爲宮殿。

吉祥寶月王海神。得普滅大癡暗解脫門。

疏五。以智滅癡。

妙華龍髻王海神。得滅一切諸趣苦與安樂解脫門。

疏六。爲行所遷。一切皆苦。菩提因起。則生滅苦亡。便得涅槃寂滅安樂。

普持光味王海神。得淨治一切衆生諸見愚癡性解脫門。

疏七。將智滅癡。未免於見。了癡見性。癡見自亡。真

妄等觀。是佛境也。

寶燄華光王海神。得出生一切寶種性。菩提心解脫門。

疏八。一切衆生。有佛種性。圓明可貴。具德稱寶。佛眼普觀。佛智普示。正音令顯。如出金藏。大心若起。如種生芽。故云出生。緣了二音。爲能悟之妙道。鈔正。因令顯。如出金藏。卽涅槃經如貧女家中寶藏之喻。

金剛妙髻王海神。得不動心功德海解脫門。

疏九。了如不取。則心不搖動。湛如停海。萬德攸歸。

故須彌可傾。魔豈能燒。一念降魔。如本行集。鈔了如不取。則心絕動搖者。金剛經云。不取於相。如如不動。須彌可傾。魔豈能燒者。卽高僧傳中。慧鬼禪師之事。雲林修定。有一惡鬼。而現其前。有身無首。令禪師懼。公安然不懼。而慰之。言喜汝無頭痛之患。次現無腹之鬼。復云喜汝無五藏之憂。如是隨來隨遣。竟不能惑。魔又化爲天女。云天帝令我以倘掃灑。公曰我心如地。難可傾動。無以革囊見試。天女乃騰雲而去。讚云大海可竭。須彌可傾。彼上人者。執志堅真。今用一句。義意全同。

撰述

華嚴疏鈔卷四

三

海潮雷音王海神得普入法界三昧門解脫門

疏十入法界定如法界徧

爾時出現寶光王海神承佛威力普觀一切王海神衆而說頌言。

疏偈文可知。

不可思議大劫海供養一切諸如來普以功德施羣生是故端嚴最無比。

一切世間皆出現衆生根欲靡不知普爲弘宣大法海此是堅幢所欣悟。

一切世間衆導師法雲大雨不可測消竭無窮諸苦海此離垢塵入法門。照皇明北藏增

一切衆生煩惱覆流轉諸趣受衆苦爲其開示如來境普水宮神入此門。

佛於難思劫海中修行諸行無有盡永絕衆生癡惑網寶月於此能明入。

佛見衆生常恐怖流轉生死大海中示彼如來無上道龍髻悟解生欣悅。

諸佛境界不思議法界虛空平等相能淨衆生癡惑網如是持味能宣說。

佛眼清淨不思議一切境界悉該覽普示衆生諸妙

文那

華嚴疏鈔卷四

三

道。此是華光心所悟。

魔軍廣大無央數。一刹那中悉摧滅。心無傾動難測量。金剛妙髻之方便。

普於十方演妙音。其音法界靡不周。如是如來三昧境。海潮音神所行處。

復次普發迅流王河神。得普雨無邊法雨解脫門。

疏第九。王河神十法。一行成雨法。若霈然洪澤。滅惑生德。若懸河迅流。無所滯礙。

普潔泉澗王河神。得普現一切衆生前。令永離煩惱解脫門。

疏二。現身息惱。若泉澗洗心。

離塵淨眼王河神。得以大悲方便。普滌一切衆生諸惑塵垢。解脫門。

疏三。真實滌垢。慈智相資。若碧沼澄潭。空色交映。故名離塵淨眼。

十方徧吼王河神。得恒出饒益衆生音。解脫門。

疏四。圓音徧益。若崩浪發響。

普救護衆生王河神。得於一切含識中。恒起無惱害慈解脫門。

疏五。拯救漂溺。

無熱淨光王河神得普示一切清涼善根解脫門。

疏六善根無惑可謂清涼。若阿耨達池永無熱惱。

普生歡喜王河神得修行具足施令一切衆生永離
慳著解脫門。

疏七施門無量令彼無慳。若蘊藻菱蓮普令物喜。

廣德勝幢王河神得作一切歡喜福田解脫門。

疏八行福契實故見無不欣。若深湖廣陂是爲廣
德。

光照普世王河神得能令一切衆生雜染者清淨
瞋毒者歡喜解脫門。

疏九方便慧力雜染皆淨。慈彼冤害。瞋反成歡。若
萬頃波澄光映天下。

海德光明王河神得能令一切衆生入解脫海。但受
具足樂解脫門。

疏十總收萬善令會涅槃。若彼百川咸會大海。由
智海故名海德光明。

爾時普發迅流王河神承佛威力普觀一切王河神
衆而說頌言。

疏偈亦可知。

如來往昔爲衆生修治法海無邊行譬如霈澤清炎

暑普滅衆生煩惱熱。

佛昔難宣無量劫。以願光明淨世間。諸根熟者令悟道。此普潔神心所悟。

大悲方便等衆生。悉現其前常化誘。普使淨治煩惱垢。淨眼見此深歡悅。

佛演妙音普使聞。衆生愛樂心歡喜。悉使滌除無量苦。此徧吼神之解脫。

佛昔修習菩提行。爲利衆生無量劫。是故光明徧世間。護神憶念生歡喜。

佛昔修行爲衆生。種種方便令成熟。普淨福海除衆

苦。無熱見此心欣慶。

施門廣大無窮盡。一切衆生咸利益。能令見者無慳著。此普喜神之所悟。

佛昔修行實方便。成就無邊功德海。能令見者靡不欣。此勝幢神心悟悅。

衆生有垢咸淨治。一切怨害等生慈。故得光照滿虛空。普世河神見歡喜。

佛是福田功德海。能令一切離諸惡。乃至成就大菩提。此海光神之解脫。

復次柔軟勝味王稼神。得與一切衆生法滋味。令成

撰述

華嚴疏鈔卷四

就佛身解脫門。

疏第十主稼神十法。功德智慧二種法味資成
佛身。

時華淨光主稼神。得能令一切衆生受廣大喜樂解
脫門。

疏二喜樂由於苦除。

色力勇健主稼神。得以一切圓滿法門。淨諸境界解
脫門。

疏三衆生爲所淨之境。

增益精氣主稼神。得見佛大悲無量神通變化力。解

脫門。

疏四悲深故通廣。

普生根果主稼神。得普現佛福田。令下種無失壞。解
脫門。

疏五下種佛田。必至果無壞。

妙嚴環髻主稼神。得普發衆生淨信華解脫門。

疏六智敷物信。獲果稱華。

潤澤淨華主稼神。得大慈愍濟諸衆生。令增長福德
海解脫門。

疏七慈眼視物。故福聚無量。慈則恬和。怡悅。得云

支那

華嚴疏鈔卷四

疏

勝道。

成就妙香主稼神得廣開示一切行法解脫門。

疏八。以行成佛故始成卽宣。

見者憂樂主稼神得能令法界一切衆生捨離懈怠
憂惱等諸普清淨解脫門。

疏九。懈於修習憂惱是生勤策諸根衆惡清淨。

離垢光明主稼神得觀察一切衆生善根隨應說法
令衆會歡喜滿足解脫門。

疏十。隨根爲說遂求故喜。

爾時柔軟勝味主稼神承佛威力普觀一切主稼神

衆而說頌言。

疏偈文可知。

如來無上功德海普現明燈照世間一切衆生咸救
護悉與安樂無遺者。

世尊功德無有邊衆生聞者不唐捐悉使離苦常歡
喜。此是時華之所入。

善逝諸力皆圓滿功德莊嚴現世間一切衆生悉調
伏。此法勇力能明證。

佛昔修治大悲海其心念念等世間是故神通無有
邊增益精氣能觀見。

佛徧世間常現前。一切方便無空過。悉淨衆生諸惑惱。此普生神之解脫。

佛是世間大智海。放淨光明無不徧。廣大信解悉從生。如是嚴髻能明入。

如來觀世起慈心。爲利衆生而出現。示彼恬怡最勝道。此淨華神之解脫。

善逝所修清淨行。菩提樹下具宣說。如是教化滿十方。此妙香神能聽受。

佛於一切諸世間。悉使離憂生大喜。所有根欲皆治淨。可愛樂神斯悟入。

如來出現於世間。普觀衆生心所樂。種種方便而成熟。此淨光神解脫門。

復次吉祥王藥神。得普觀一切衆生心。而勤攝取解脫門。

疏第十一。王藥神十法十頌。一。順情則易攝。逆意則難調。故普觀之。

旃檀林王藥神。得以光明攝衆生。俾見者無空過。解脫門。

離塵光明王藥神。得能以淨方便。滅一切衆生煩惱。解脫門。

疏二二可知。

名稱普聞王藥神。得能以大名稱增長無邊善根海解脫門。

疏四。始學者以名爲實質。大士以名爲佛事。

毛孔現光王藥神。得大悲幢速赴一切病境界解脫門。

疏五。以慈善根力。放月愛等光。身心兩病。纔念便滅。鈔慈善根力者。慈善根即涅槃第十五經云。復次善男子。菩薩四無量心。能爲一切諸善根本。下廣說慈心行施。發起大願竟云。善男子。一切聲

聞緣覺菩薩諸佛如來。所有善根。慈爲根本。善男子。菩薩摩訶薩。修習慈心。能生如是無量善根。不淨觀等。皆從此生。結云。如是等法。慈爲根本。善男子。以是義故。慈是真實。非虛妄也。若有人問。誰是一切諸善根本。當言慈是。以是義故。實非虛妄。善男子。能爲善者。名實思惟。實思惟者。卽名爲慈。慈卽如來。慈卽大乘。大乘卽慈。慈卽如來。善男子。慈卽菩提道。菩提道卽是如來。如來卽慈。次廣說慈德。是一切善法。下廣說慈德。如提婆達多。欲害如來。令阿闍世王放護財醉象。我卽入慈定。舉手

示之。卽於指端。出五師子。卽便怖畏。舉身投地。敬禮我足。善男子。我時手指。實無師子。乃是修慈善根力故。令彼調伏。廣說緣起。皆悉結歸慈善根力。放月愛等光。卽涅槃二十經。爾時世尊。在雙林間。見阿闍世王。悶絕躡地。爾時世尊。爲阿闍世王入月愛三昧。入三昧已。放大光明。其光清涼。往照王身。身疾卽愈。鬱蒸除滅。乃至云。問者。婆何等名爲月愛三昧。者。婆答言。有六義似。一。譬如月光。能令一切優鉢羅華。開敷鮮明。月愛三昧。亦復如是。能令衆生。善心開敷。是故名爲月愛三昧。二。如月能

令行路歡喜。此三昧能令修習涅槃道者歡喜。三。一日至十五日。光色漸明。此能令善根增長。四。十六至三十日。形色漸減。此能令漸滅煩惱。五。能除鬱蒸。此能除貪惱熱。六。如月衆星中王。甘露一味。人所愛樂。月愛三昧。亦復如是。諸善中王。甘露一味。一切衆生之所愛樂。是故復名月愛三昧。

破暗清淨。主藥神。得療治一切盲冥衆生。令智眼清淨解脫門。

疏六。迷理迷報。二愚盲冥。起惑造業。尙受衆苦。佛以正法金錫。開其智眼。令明三諦。故云清淨。鈔

佛以正法金錍者。卽涅槃第八。迦葉菩薩白佛言。世尊。佛性者。云何甚深。難見難入。佛言。善男子。如百盲人。爲治目故。造詣良醫。是時良醫。卽以金錍。抉其眼膜。以一指示。問言。見不。盲人答言。我猶未見。復以二指。三指。示之。乃言。少見。善男子。是大涅槃微妙經典。如來未說。亦復如是。無量菩薩。雖已具足諸波羅蜜。乃至十住。猶未能得見於佛性。如來旣說。卽便少見。是菩薩旣得見已。咸作是言。甚奇。世尊。我等流轉無量生死。常爲無我之所惑亂。善男子。如是菩薩。位階十地。尚不了了。知見佛性。

何況聲聞緣覺之人。能得見耶。澤州釋云。十地菩薩。各修十度。名爲百人。涅槃爲金錍。經初一說。名一指。示。中間重說。名二指。示。經末復說。名三指。示。下合中。未見佛性。並如盲人。延公云。金錍喻。教。抉膜者。教能生解。喻破無明。卽今疏意。故云正法金錍。而言三指。喻三僧祇。乃至十地。未了分明。故言少見。若準澤州。則涅槃爲錍。三說爲三指者。若俱約教。則錍指不殊。若以涅槃爲所詮者。又不順喻。寧取延公。然三僧祇爲三指者。亦順前示。及與後示。亦順十住少見之言。今不取者。遂令佛說一時。

之中不具三指。又以時喻指。以未全同。故疏自釋。以三諦爲三指。指爲旨趣。義甚分明。一時橫觀。皆觀三諦。豎至十住。亦證三諦。第一指者。卽示俗諦。言凡是有心。定當作佛。皆有佛性。二示真諦爲第二指。云佛性者。名第一義空。三示中道爲三指。經云佛性卽是無上菩提。中道種子。故非有如虛空。非無如兔角。故知三諦。喻於三指。

普發吼聲。王藥神。得能演佛音。說諸法。差別義。解脫門。

蔽日光。幢王藥神。得能作一切衆生善。知識令見者。

咸生善根。解脫門。

疏七。八。可知。

明見十方。王藥神。得清慈大悲。能令方便。令生信。解脫門。

疏九。無愛見之大悲。生物德。故名蔽。

普發威光。王藥神。得方便。令念佛。滅一切衆生病。解脫門。

疏十。世醫療治。雖差還生。永滅生德。無先念佛。因病因光。皆是方便。謂佛有無邊相。相有無邊好。好放無邊光。光攝無邊衆。言隨念者。佛德齊均。隨緣。

隨樂趣稱一佛。三昧易成。敬一心濃。餘盡然矣。况
心凝覺路。闇蹈大方。

爾時吉祥王藥神。承佛威力。普觀一切王藥神衆。而
說頌言。

疏頌可知。

如來智慧不思議。悉知一切衆生心。能以種種方便
力。滅彼羣迷無量苦。

大雄善巧難測量。凡有所作無空過。必使衆生諸苦
滅。旃檀林神能悟此。

汝觀諸佛法如是。往昔勤修無量劫。而於諸有無所

著。此離塵光所入門。

佛百千劫難可遇。若有得見及聞名。必令獲益無空
過。此普稱神之所了。

如來一一毛孔中。悉放光明滅衆患。世間煩惱皆令
盡。此現光神所入門。

一切衆生癡所盲。惑業衆苦無量別。佛悉蠲除開智
照。如是破暗能觀見。

如來一音無限量。能開一切法門海。衆生聽者悉了
知。此是大音之解脫。

汝觀佛智難思議。普現諸趣救羣生。能令見者皆從

化。此蔽日幢深悟了。

如來大悲方便海。爲利世間而出現。廣開正道示衆生。此見方神能了達。

如來普放大光明。一切十方無不照。令隨念佛生功德。此發威光解脫門。

復次布華如雲王林神。得廣大無邊智海。蔽解脫門。

疏第十二。王林神。十法十頌。佛德無邊。皆依智海。合德流光。所以名蔽。

擢幹舒光王林神。得廣大修治普清淨解脫門。

疏二等衆生悲。是爲廣大。一離障。名普清淨。

生芽發曜王林神。得增長種種淨生芽解脫門。

疏三。一切勝因。皆爲佛道。各各心淨。則種種芽生。

吉祥淨葉王林神。得一切清淨功德。莊嚴聚解脫門。

疏四。一切功德。莊嚴一毛。一一皆然。故佛爲德聚。

良以佛果攬因。皆圓成非分成。是故一因生一切。

果。一果收一切因。皆圓融無礙耳。

垂布醍醐王林神。得普門清淨慧恒周覽法界解脫門。

疏五。智通萬法。是曰普門。客塵不生。故曰清淨。悟。

如日照。頓周法界。功如佛鏡。說智漸明。明是本明。

漸爲圓漸。鈔悟如日照等者。楞伽經中有四漸
 四頓今唯用一。彼經大慧白佛言。世尊。云何淨除
 自心現流。爲頓爲漸。答中先明四漸。後說四頓。漸
 經云。佛告大慧。漸淨非頓。一如庵羅果。漸熟非頓。
 如來漸除衆生自心現流。亦復如是。漸淨非頓。此喻
信二如陶家作器。漸成非頓。此喻十任。三如大地
漸生非頓。此喻十行。四如習藝。漸就非頓。此喻十
上之四漸。約於修行。未證理故。下之四頓。約已證
理。一明鏡頓現喻。經云。譬如明鏡。頓現一切色像。
如來淨除一切衆生自心現流。亦復如是。頓現無

相無所有清淨法界。此喻初地。至七地。二。日月頓照喻云。

如日月輪。頓照顯示一切色像。如來爲離自心現

流習氣過患衆生。亦復如是。頓爲顯示。不思議勝

智境界。此喻八地。上三。藏識頓知喻。云譬如藏識。頓分

別知自心現流。及身安立。受用境界。彼諸依佛。亦

復如是。頓熟衆生所處境界。以修行者。安處於彼

色究竟天。此喻報佛。四佛光頓照喻。云譬如法佛

所作依佛。光明照耀。自覺聖趣。亦復如是。彼於法

相。有性無性。惡見妄想。照令除滅。此亦喻法報前

照。今疏唯取頓中一日光頓照喻。雖舉鏡喻。非是

一佛述
華嚴疏鈔卷四
明鏡頓照。自取拂鏡之喻。正同大通時。時勤拂拭。勿使惹塵埃。而後自融通。又上四漸四頓。多依地位。古今同爲此釋。亦順經文。今釋通於橫豎。則位位之中。皆有頓義。然約橫論頓。復有多義。一頓悟漸修。如見九層之臺。則可頓見。要須躡階。而後得昇。今亦如是。頓了心性。卽心卽佛。無法不具。而須積功。徧修萬行。此約解悟。二者頓修漸悟。卽如磨鏡。一時徧磨。明淨有漸。萬行頓修。悟則漸勝。此約證悟。三頓修頓悟。如利劍斬絲。千莖齊斬。一時齊斷。亦如染絲。一時齊染。一時成色。萬行齊修。一時

朗悟。四漸修漸悟。猶如斬竹。節節不同。此非今用。今言悟如日照。卽解悟證悟。皆悉頓也。卽頓修頓悟。功如拂鏡。亦非漸修。是頓修漸悟義。言明是本明。漸爲圓漸者。此融上二。恐人謂拂鏡非頓明。鏡本來淨。何用拂塵埃。故爲會之。此是六祖直顯本性。破其漸修。今爲順經。明其漸證。隨漸漸明。皆本明矣。故云明是本明。卽無念體上自有真知。非別有知。知心體也。言漸爲圓漸者。卽天台智者意。彼有言云。漸漸非圓漸。圓圓非漸圓。謂漸家亦有圓漸。圓家亦有圓漸。漸家漸者。如江出岷山。始於濫

觴。漸家圓者。如大江千里。圓家漸者。如初入海。雖則漸深。一滴之水。已過大江。况濫觴耶。圓家圓者。如窮海涯底。故今云漸是圓家。漸尚過漸家之圓。况漸家之漸。

妙莊嚴光王林神。得普知一切衆生行海。而興布法雲解脫門。

疏六。知徧趣行。如應布法。

可意雷聲王林神。得忍受一切不可意聲。演清淨音解脫門。

疏七。了音聲性。皆同佛音。故無不可意。能令世間

皆聞佛音。方云清淨。

香光普徧王林神。得十方普現。昔所修治廣大行境界解脫門。

疏八。昔行稱周法界。是廣大境。神通普令物見。做而行之。如下喜目。卽其事也。

妙光迥曜王林神。得以一切功德法。饒益世間。解脫門。

疏九。衆生諂佞。自不修德。寧有進賢之心。今福智益他。則物我兼利。偈云。諛諛卽諂佞也。鈔。衆生諂佞。自不修德者。詩云。內有進賢之志。而無諛諛。

之心。蒼頡篇曰。詖謂諂佞也。

華果光味。王林神。得能令一切見佛。出興常。敬念不忘。莊嚴功德。藏解脫門。

疏十。敬念則佛興。佛興則莊嚴功德。障重者不念不見。於佛豈無常哉。故應見常見也。

爾時布華如雲。王林神承佛威力。普觀一切王林神衆。而說頌言。

佛昔修習菩提行。福德智慧悉成滿。一切諸力皆具足。放大光明出世間。

悲門無量等衆生。如來往昔普淨治。是故於世能爲

益。此摧翰神之所了。

若有衆生一見佛。必使入於深信海。普示一切如來道。此妙芽神之解脫。

一毛所集諸功德。劫海宣揚不可盡。諸佛方便難思議。淨葉能明此深義。

我念如來於往昔。供養剎塵無量佛。一一佛所智漸明。此燄藏神之所了。

一切衆生諸行海。世尊一念悉了知。如是廣大無礙智。妙莊嚴神能悟入。

恒演如來寂妙音。普生無等大歡喜。隨其解欲皆令

悟。此是雷音所行法。

如來示現大神通。十方國土皆周徧。佛昔修行悉令見。此普香光所入門。

衆生諍訛不修德。迷惑沉流生死中。爲彼闡明衆智道。此妙光神之所見。

佛爲業障諸衆生。經於億劫時乃現。其餘念念常令見。此味光神所觀察。

復次寶峰開華主山神。得入大寂定光明解脫門。

疏第十三主山神十法。一。寂而常照。故光無不闡。華林妙髻主山神。得修習慈善根。成熟不可思議數。

衆生解脫門。

疏二相光熟機。皆慈善根力。如涅槃廣明。

高幢普照主山神。得觀察一切衆生心。所樂嚴淨諸根解脫門。

疏三修因嚴根本。爲順物。故矚蓮目而欣樂。觀月面而歡心。或見諸根。一一皆周法界。喜亦深矣。

離塵寶髻主山神。得無邊劫海勤精進。無厭怠解脫門。

疏四。如空不染。故長劫無忌。

光照十方主山神。得以無邊功德光普覺悟解脫門。

疏五癡故長眠唯福智之能覺

大力光明王山神得能自成熟復令衆生捨離愚迷
行解脫門。

威光普勝王山神得拔一切苦使無有餘解脫門。

微密光輪王山神得演教法光明顯示一切如來功
德解脫門。

疏次三可知。

昔眼現見王山神得令一切衆生乃至於夢中增長
菩提解脫門。

疏九若睡若寤皆令聞法進行斯爲佛業如大瓔

珞經說過去有佛凡欲說法令大衆眠夢中說法
令增善根覺得道果涅槃亦云其人夢中見羅刹
像等亦表萬法皆夢大夢之夜必有大覺之明。

鈔涅槃亦云其人夢中見羅刹像卽當第九如來
性品迦葉菩薩白佛言世尊云何未發菩提心者
得菩提因佛告迦葉若有聞是大涅槃經言我不
用發菩提心誹謗正法是人卽於夢中見羅刹像
心中怖懼羅刹語言咄善男子汝今若不發菩提
心當斷汝命是人惶怖寤已卽發菩提之心是人
命終若在三趣及在人天續復憶念菩提之心當

知是人。名大菩薩摩訶薩也。

金剛堅固眼。主山神。得出現無邊大義海解脫門。

疏十。稱性法門。無邊大義。一音能演。是出現也。

爾時開華。市地主山神。承佛威力。普觀一切。主山神

衆。而說頌言。

往修勝行。無有邊。今獲神通。亦無量。法門廣闢。如塵
數。悉使衆生。深悟喜。

衆相嚴身。徧世間。毛孔光明。悉清淨。大慈方便。示一

切華林妙髻。悟此門。

佛身普現。無有邊。十方世界。皆充滿。諸根嚴淨。見者

喜。此法高幢。能悟入。

歷劫勤修。無懈倦。不染世法。如虛空。種種方便。化羣

生。悟此法門。名寶髻。

衆生盲暗。入險道。佛哀愍。彼舒光照。普使世間。從睡

覺。威光悟此心。生喜。

昔在諸有。廣修行。供養利塵。無數佛。令衆生。見發大

願。此地大力。能明入。

見諸衆生。流轉苦。一切業障。恒纏覆。以智慧光。悉滅

除。此普勝神。之解脫。

一一毛孔。出妙音。隨衆生心。讚諸佛。悉徧十方。無量

劫。此是光輪所入門。

佛徧十方普現前。種種方便說妙法。廣益衆生諸行海。此現見神之所悟。

法門如海無邊量。一音爲說悉令解。一切劫中演不窮。入此方便金剛目。

復次普德淨華主地神。得以慈悲心念念普觀一切衆生解脫門。

疏第十四。主地神卜法。一念念無間。平等普觀。修慈護法。故得金剛之體。金剛卽內照之實也。鈔修慈護法。故得金剛之體。亦涅槃意。彼第三問云。

云何得長壽。金剛不壞身。故以長壽品。答長壽問。由不殺及施僧之食爲因。金剛身品。答金剛不壞身問。因於護法。故經初明金剛身義云。爾時世尊。復告迦葉。善男子。如來身者。是常住身。不可壞身。金剛之身。非雜食身。卽是法身。下迦葉難。次如來廣答金剛身相。後迦葉徵。因云。唯然世尊。如來法身。金剛不壞。而未能知所因云何。佛告迦葉。以能護持正法。因緣。故得成就是金剛身。迦葉。我於往昔護法。因緣。今得成就是金剛身。常住不壞。善男子。護持正法者。不受五戒。不修威儀。應持刀劔。弓。

箭矛稍守護持戒清淨比丘。此後廣說護法之相。便引往昔。此拘尸城。有歡喜增益如來。末法之中。覺德比丘。能師子吼。爲破戒比丘。刀杖所逼。時有國王。名爲有德。與破戒比丘共戰。時王被鏑。舉身周徧。覺德讚王。王聞法已。即便命終。生阿閼佛國。爲彼如來第一弟子。覺德比丘。却後壽終。亦生彼國。爲第二弟子。故知能護。功高所護。生公釋金剛身云。長壽之與金剛。皆共談丈六。但內外之異。長壽與外應之迹。金剛與內照之實。實照體圓。故無方也。然則長壽金剛。並義通內外。而金色示滅。故

以實照爲常。實則至妙之色。亦常不變矣。然長壽對凡夫之天促。金剛對凡身之危脆。故無長無短。方爲長壽。非實非虛。始曰金剛。而推其因。由護法者。護法令法久住。護法身矣。今疏文中。言修慈護法者。護法卽涅槃繁文。修慈卽今偈意。

堅福莊嚴主地神。得普現一切衆生福德力。解脫門。疏二。一毛福力。頓現衆福。

妙華嚴樹主地神。得普入諸法出生一切佛利莊嚴。解脫門。

疏三證。無生。不礙嚴利。

普散衆寶王地神得修習種種諸二昧令衆除障垢
解脫門。

疏四。一向爲他。

淨目觀時王地神得令一切衆生常遊戲快樂解脫
門。

疏五觀機出現名爲遊戲。

金色妙眼王地神得示現一切清淨身調伏衆生解
脫門。

疏六現淨惑身方調物惑。

香毛發光王地神得了知一切佛功德海大威力解

脫門。

疏七內具德海現威力身如地含海潤發生百穀
百穀苗稼皆地香毛故。

寂音悅意王地神得普攝持一切衆言音海解脫門。
疏八長行一言盡攝無餘偈頌則一言普徧無極
妙華旋髻王地神得充滿佛刹離垢性解脫門。

九。九。九。雲普徧令物離垢爲性。

金剛普持王地神得一切佛法輪所攝持普出現解
脫門。

疏十法能攝持心行如金剛之輪佛則不動現世

若湏彌出海

爾時普德淨華王地神承佛威力普觀一切主地神衆而說頌言。

疏此下頌中亦有二句結法屬人可以意得。

如來往昔念念中大慈悲門不可說如是修行無有已故得堅牢不壞身。

三世衆生及菩薩所有一切衆福聚悉現如來毛孔中福嚴見已生歡喜。

廣大寂靜三摩地不生不滅無來去嚴淨國土示衆生此樹華神之解脫。

佛於往昔修諸行爲令衆生消重障普散衆寶王地神見此解脫生歡喜。

如來境界無邊際念念普現於世間淨目觀時王地神見佛所行心慶悅。

妙音無限不思議普爲衆生滅煩惱金色眼神能了悟見佛無邊勝功德。

一切色形皆化現十方法界悉充滿香毛發光常見佛如是普化諸衆生。

妙音普徧於十方無量劫中爲衆說悅意地神心了達從佛得聞深敬喜。

佛毛孔出香燄雲隨衆生心徧世間一切見者皆成熟。此是華旋所觀處。

堅固難壞如金剛不可傾動踰須彌佛身如是處世間普持得見生歡喜。

復次寶峰光曜王城神得方便利益衆生解脫門。

疏第十五王城神十法有云脫第九法十頌具足一光等方便成熟利益。

妙嚴宮殿王城神得知衆生根教化成熟解脫門。

疏二應病與藥令得服行。

清淨喜寶王城神得常歡喜令一切衆生受諸福德。

解脫門。

疏三護法法存則物受福德教理行果皆有護也。

鈔教理行果皆有護也者有毀謗教不惜身命。

折伏護持爲護教也得旨契經便爲護理修行無缺卽爲護行。此三若護正覺果圓卽爲護果。

離憂清淨王城神得救諸怖畏大悲藏解脫門。

疏四悲救無盡名藏。

華燈燄眼王城神得普明了大智慧解脫門。

疏五了佛大智。

燄幢明現王城神得普方便示現解脫門。

疏六方便現身。

盛福威光王城神。得普觀察一切衆生。令修廣大福德。海解脫門。

疏七尚修佛德。

淨光明身王城神。得開悟一切愚暗衆生。解脫門。

疏八迷真俗理。故云愚暗。佛出開示。令其悟入。本迷無始。猶若生盲。雖聞譬喻。竟不識乳。唯佛出世。方能曉之。鈔本迷無始等者。卽涅槃經。然涅槃總有二文。一卽二十八經。明八喻。後云善男子。凡所引喻。不必盡取。或取少分。或取多分。或復全取。

如言如來面如滿月。是名少分。善男子。譬如盲人。初不見乳。轉問他言。乳爲何類。彼人答言。如水蜜。貝。水則濕相。蜜則甜相。貝則色相。雖引三喻。未見乳實二者。第十四經。南本十三。喻諸外道。不識常樂我淨。以四種喻。謂貝。稻米末。雪。鶴。經云。如生盲人。不識乳色。便問他言。乳色何似。他人答言。色如白貝。盲人復問。是乳色者。如貝聲耶。答言不也。後問貝色。爲何似耶。答言如稻米末。盲人復問。乳色柔軟。如稻米末耶。稻米末者。復何所似。答言如雪。盲人復問言。彼稻米末。冷如雪耶。雪復何似。答言

撰述
華嚴疏鈔卷四
猶如白鶴。是生盲人。雖聞如是四種譬喻。竟不能得識乳真色。釋曰。貝可喻常。末可喻樂。雪可喻淨。鶴可喻我。然經中前三。各誤領解。而鶴一種。略無誤領。應言如鶴動耶。然其四喻。皆是眼境。彼但身觸。何能知耶。非唯外道不知四德。智眼未開。空欲暗證。如彼盲人觸四境也。言唯佛出世。方能曉之者。示其出世常樂我淨。開其智眼。了見分明。

香幢莊嚴王城神。得觀如來自。在力。普徧世間。調伏衆生。解脫門。此神名及法。舊本無。依今經補出。頗與偈文相合。

疏九。準梵本云。香幢莊嚴髻王城神。得破一切煩

惱臭氣。出生一切智性。香氣解脫門。謂正使爲臭物。殘習爲臭氣。智性爲香體。利物爲香氣。香氣若高山之出雲。稱智性而無盡。臭氣若香風之捲霧。等性空之無邊。煩惱則塵習。雙亡。智慧則自他兼利。有本亦具云。香髻莊嚴王城神。得開發衆生清淨妙智解脫門。亦恐傳寫之脫漏耳。義不異前。偈云。現夢中者。夢是神遊。亦見聞之氣分也。夢中尚調。况於覺悟。如迦旃延爲弟子。現夢境界等。鈔夢是神遊。漢武故事。昔漢武帝欲試善圓夢者。乃詐爲夢云。朕夢見殿上兩瓦。化爲鴛鴦飛去。是何

一撰述
善岸頭金卷四
四
徵耶。圓夢者曰。宮中必有暴死之者。帝曰。戲之耳。言未畢。監司奏云。宮人相殺。帝曰。朕實不夢。而有徵者何耶。對曰。夢是神遊。陛下欲言。卽是夢也。亦見聞之氣分者。卽智論五夢之中。見聞多故爲夢也。言五夢者。一熱氣多故夢火。二冷氣多夢水。三風氣多飛空。四見聞多入夢。五天神與並。如下夢恐。如迦旃延爲弟子現夢者。莊嚴論說。迦旃延有一弟子爲希羅王捨王位出家。於山林中修道。有一鄰國王。名阿盤地。遊獵至山。其王安寢。宮人請比丘所。比丘爲其說法。王覺謂誘我宮人。遂鞭撻比丘。

丘比丘痛苦。心生怨恨。我不相犯。非理見辱。遂欲還家。爲王伐彼。師勸不止。便言且留一宿。明當任去。卽留一宿。夜中迦旃延示之以夢。夢見還國。國人迎之。却立爲王。與大臣商議。徵兵伐怨。而戰敗。失道。遂被彼擒。將欲刑戮。忽遇本師。本師告言。前苦相勸。何爲不從。此王夢中號訴師言。大師救命。失聲便覺。悲泣白師。不復還家。是爲迦旃延之善巧。覺化不得。夢化便遂。

寶峰光目王城神。得能以大光明破一切衆生障礙。山解脫門。

疏十。二障五蓋。重疊如山。非智光明。莫之能破。
爾時寶峰光耀王城神。承佛威力。普觀一切王城神
衆而說頌言。

導師如是不思議。光明徧照於十方。衆生現前悉見
佛。教化成熟無央數。

諸衆生根各差別。佛悉了知無有餘。妙嚴宮殿王城
神。入此法門心慶悅。

如來無量劫修行。護持往昔諸佛法。意常承奉生歡
喜。妙寶城神悟此門。

如來昔以能除遣一切衆生諸恐怖。而恒於彼起慈
悲。此離憂神心悟喜。

佛智廣大無有邊。譬如虛空不可量。華目城神思悟
悅。能學如來之妙慧。

如來色相等衆生。隨其樂欲皆令見。談幢明現心能
悟。習此方便生歡喜。

如來往修衆福海。清淨廣大無邊際。福德幢光於此
門。觀察了悟心欣慶。

衆生愚迷諸有中。如世生盲卒無覩。佛爲利益興於
世。清淨光神入此門。

如來自在無有邊。如雲普徧於世間。乃至現夢令調

伏。此是香幢所觀見。

衆生癡暗如盲瞽。種種障蓋所纏覆。佛光照徹普令開。如是寶峰之所入。

復次淨莊嚴幢道場神。得出現供養佛廣大莊嚴具。誓願力解脫門。

疏第十六道場神。十一法。十一偈。一出現字兩用。謂有佛出現。卽出現莊嚴具而爲供養。佛昔如是。神以大願做之。

須彌寶光道場神。得現一切衆生前成就廣大菩提。行解脫門。

疏二對物成行。令物做之。施爲行先。故偈偏舉。

雷音幢相道場神。得隨一切衆生心所樂。令見佛於夢中爲說法解脫門。

疏三夢覺皆化。則時處俱徧。

雨華妙眼道場神。得能雨一切難捨衆寶莊嚴具。解脫門。

疏四。外寶內眼。重重難捨。爲物捨行。故云能用。

清淨談形道場神。得能現妙莊嚴道場。廣化衆生。令成熟解脫門。

疏五清淨談形神。前列中無。謂色相道場。俱妙莊

嚴並爲熟物。

華纓垂髻道場神。得隨根說法。令生正念解脫門。

疏六疑境界者。以唯心爲正念。疑法性者。以無得爲正念。實則無正無邪。方稱曰正。無念不念。是真念矣。諸念不生。正念方生耳。故隨根雨法。斷疑生智。

雨寶莊嚴道場神。得能以辨才普雨無邊歡喜法解脫門。

疏七辨才雨法。稱根故喜。

勇猛香眼道場神。得廣稱讚諸佛功德解脫門。

疏八深廣讚佛。故名實雙美。

金剛彩雲道場神。得示現無邊色相樹莊嚴道場解脫門。

疏九樹王眷屬。並如經初。

蓮華光明道場神。得菩提樹下寂然不動而充徧十方解脫門。

疏十卽前身徧十方。而無來往。智入諸相。了法空寂也。

妙光照曜道場神。得顯示如來種種力解脫門。

疏十一。種種力者。佛有無量力。故因行亦然。皆嚴

具顯示既是道場之神。故得道場事中解脫。

爾時淨莊嚴幢道場神。承佛威力。普觀一切道場神衆。而說頌言。

我念如來往昔時。於無量劫所修行。諸佛出興咸供養。故獲如空大功德。

佛昔修行無盡施。無量刹土微塵等。須彌光照菩提神。憶念善逝心欣慶。

如來色相無有窮。變化周流一切刹。乃至夢中常示現。雷幢見此生歡喜。

昔行捨行無量劫。能捨難捨眼如海。如是捨行爲衆

生。此妙眼神能悟悅。

無邊色相寶。談雲現菩提場徧世間。談形清淨道場神。見佛自在生歡喜。

衆生行海無有邊。佛普彌綸雨法雨。隨其根解除疑惑。華纓悟此心歡喜。

無量法門差別義。辨才大海皆能入。雨寶嚴具道場神。於心念念恒如是。

於不可說一切土。盡世言辭稱讚佛。故獲名譽大功德。此勇眼神能憶念。

種種色相無邊樹。普現菩提樹王下。金剛彩雲悟此

門。恒觀道樹生歡喜。

十方邊際不可得。佛坐道場智亦然。蓮華步光淨信心。入此解脫深生喜。

道場一切出妙音。讚佛難思清淨力。及以成就諸因行。此妙光神能聽受。

復次寶印手足行神。得普雨衆寶生廣大歡喜解脫門。

蓮華光足行神。得示現佛身坐一切光色蓮華座。令見者歡喜解脫門。

疏第十七足行神十法。初二可知。

最勝華髻足行神得一一心念中建立一切如來衆會道場解脫門。

疏三內則念念安於理事。外則處處建立道場。

攝諸善見足行神。得舉足發步悉調伏無邊衆生解脫門。

疏四舉足下足。海印發揮。諸有威儀。無非佛事。

妙寶星幢足行神。得念念中化現種種蓮華網光明。普雨衆寶出妙音聲解脫門。

疏五以華以光。雨寶雨法。

樂吐妙音足行神。得出生無邊歡喜海解脫門。

疏六衆生無邊。是佛化境。見佛聞法。故生歡喜。
旃檀樹光足行神。得以香風普覺。一切道場衆會解
脫門。

疏七圓音警物。等旃檀之香風。暫一熏修。覺身心
之調順。餘三可知。

蓮華光明足行神。得一切毛孔放光明。演微妙法音。
解脫門。

微妙光明足行神。得其身徧出種種光明。網普照曜。
解脫門。

積集妙華足行神。得開悟一切衆生。令生善根。海解
脫門。

爾時寶印手足行神。承佛威力。普觀一切足行神衆。
而說頌言。

佛昔修行無量劫。供養一切諸如來。心恒慶悅不疲
厭。喜門深大猶如海。

念念神通不可量。化現蓮華種種香。佛坐其上普游
行。紅色光神皆覩見。

諸佛如來法如是。廣大衆會徧十方。普現神通不可
議。最勝華神悉明曠。

十方國土一切處。於中舉足若下足。悉能成就諸羣

生此善見神心悟喜。

如衆生數普現身。此一一身充法界。悉放淨光。雨衆寶。如是解脫星幢入。

如來境界無邊際。普雨法雨皆充滿。衆會覩佛生歡喜。此妙音聲之所見。

佛音聲量等虛空。一切音聲悉在中。調伏衆生靡不徧。如是旃檀能聽受。

一切毛孔出化音。闡揚三世諸佛名。聞此音者皆歡喜。蓮華光神如是見。

佛身變現不思議。步步色相猶如海。隨衆生心悉令

見。此妙光明之所得。

十方普現大神通。一切衆生悉開悟。衆妙華神於此法。見已心生大歡喜。

復次淨喜境界身衆神。得憶佛往昔誓願海解脫門。疏第十八。身衆神十法。一。淨喜境界神者。初列處

名華髻莊嚴。或是名廣。略舉其半。或梵音相類。譯者之誤。未勘梵本。

光照十方身衆神。得光明普照無邊世界解脫門。海音調伏身衆神。得大音普覺一切衆生。令歡喜調

伏解脫門。

撰述
垂屏政鈔卷四
五
疏二。三。可知。

淨華嚴髻身衆神。得身如虛空。周徧任解脫門。

疏四。相卽無相。故如空徧任。空非獨虛。亦徧於色。任非分任。一塵亦周。如芥子空。卽不可盡。身與法性。不可分故。鈔空非獨虛者。意云非謂無物處。是虛空。出現品云。譬如虛空。徧至一切色非色處。故任非分任。一塵亦周者。如來在一塵中。亦全法界之廣大身。皆具在故。舉芥子空證已。如前引。無量威儀身衆神。得示一切衆生諸佛境界解脫門。疏五。威儀施化。無心頓現。斯卽佛境。難以言思。

最勝光嚴身衆神。得令一切饑乏衆生。色力滿足解脫門。

疏六。佛爲良田。出世難遇。一興微供。果獲五常。略言色力。亦有常命。安樂辨才。此五皆常。方云滿足。受報無盡。故悉離貧窮。鈔果獲五常者。疏文具列。卽涅槃第二。純陀施食處說。下迴向施食中。當廣明之。受報無盡者。亦純陀事。卽三十一經。師子吼菩薩白佛言。世尊。如佛先告純陀云。汝今已得見於佛性。得大涅槃。阿耨多羅三藐三菩提。是義云何。世尊。如佛所說。施畜生者。得百倍報。乃至云。

撰述
善廣疏鈔卷四
五
施不退菩薩。及最後身諸大菩薩。如來世尊所得
福報無量無邊。不可稱計。不可思議。純陀大士。若
受如是無量報者。是報無盡。何時當得阿耨多羅
三藐三菩提。此下廣說施相。下佛答意云。如向難
言。純陀報無盡者。謂世間報。然業有種種。不必定
受隨人所造。愚智等殊。今純陀大智。將此施業。唯
爲菩提。及利衆生。云何令人天之報。不得菩提。
况所造業。及受果報。皆是垂跡。若善若惡。非現生
後受。是業報。下廣說業有定不定。愚智輕重。一切
聖人爲壞定業。得輕報故。不定之業。無果報等。則

報無盡者。是約世間。今疏爲順。悉離貧窮。故引世
間受無盡報耳。非取彼經師子吼菩薩之難意。
淨光香雲身衆神。得除一切衆生煩惱垢解脫門。
疏七齒光除垢。表所說淨故。

守護攝持身衆神。得轉一切衆生愚癡魔業解脫門。
疏八。有染於五塵。無慈於六趣者。愚癡魔業也。體
五欲性。虛已兼亡。彼業斯轉。而名云守護攝持者。
善守根門。攝散持德。則遠魔矣。然魔事惑。不出三
毒及慢。魔惱衆生。不出二事。謂上妙五欲。及諸苦
具爲說邪法。則三毒是生。三毒內著。卽爲魔業。今

守護覺察。魔如之何。卽偈中解脫道也。

普現攝化身衆神。得普於一切世王宮殿中顯示莊嚴相解脫門。

疏九。此有三意。一。身雖周於法界。多示爲王。攝御自在故。二。八相處於王宮。俯接物故。三。法界菩提樹下。法王宮故。

不動光明身衆神。得普攝一切衆生。皆令生清淨善根解脫門。

疏十。迷於本空。故有妄苦。無漏本有。是淨善根。爾時淨喜境界身衆神。承佛威力。普觀一切身衆神。

衆而說頌言。

我憶須彌塵劫前。有佛妙光出典世。世尊於彼如來所。發心供養一切佛。

如來身放大光明。其光法界靡不充。衆生遇者心調伏。此照方神之所見。

如來聲震十方國。一切言音悉圓滿。普覺羣生無有餘。調伏聞此心欣慶。

佛身清淨恒寂滅。普現衆色無諸相。如是徧住於世間。此淨華神之所入。

導師如是不思議。隨衆生心悉令見。或坐或行或時

任無量威儀所悟門。

佛百千劫難逢。遇出興利益能自在。令世悉離貧窮。苦。最勝光嚴入斯處。

如來一一齒相間。普放香燈光燄雲。滅除一切衆生。惑離垢雲。神如是見。

衆生染惑爲重障。隨逐魔徑常流轉。如來開示解脫。道守護執持能悟入。

我觀如來自在力。光布法界悉充滿。處王宮殿化衆生。此普現神之境界。

衆生迷妄具衆苦。佛在其中常救護。皆令滅惑生喜。心不動光神所觀見。

復次妙色那羅延執金剛神。得見如來示現無邊色。相身解脫門。

疏第十九執金剛神。長行十法。一見如來身普現。非別豈唯凡現之處。卽無邊相亦隨一一色相。皆無有邊。

日輪速疾幢執金剛神。得佛身一一毛如日輪現。種種光明雲解脫門。

須彌華光執金剛神。得化現無量身大神變解脫門。清淨雲音執金剛神。得無邊隨類音解脫門。

疏二三四可知。

妙臂天王執金剛神。得現為一切世間王。開悟衆生。解脫門。

疏第五神初卷中名諸根美妙。今但云妙臂。文義俱闕。又加天王以現為世主故。

可愛樂光明執金剛神。得普開示一切佛法差別門。咸盡無遺解脫門。

疏六法海深奧繁節差別。巧說令現。無有遺餘。大樹雷音執金剛神。得以可愛樂莊嚴具攝一切樹神解脫門。

疏七約神。且說寶飾為嚴。巧攝已衆。約佛方便相好為嚴。無不攝也。

師子王光明執金剛神。得如來廣大福莊嚴聚。皆具足明了解脫門。

疏八因深故大福為能嚴。果勝故德相皆明足。密談吉祥目執金剛神。得普觀察險惡衆生心為現威嚴身解脫門。

疏九惡謂十惡。險者惡之因也。能陷自他及險道故。

蓮華摩尼髻執金剛神。得普雨一切菩薩莊嚴具摩

尼髻解脫門。

疏十若以現文則摩尼髻是所雨。若以義取此神名摩尼髻亦得。髻是能雨。一切菩薩嚴具是所雨。表菩薩智光圓滿故。

爾時妙色那羅延執金剛神。承佛威力普觀一切執金剛神衆而說頌言。

汝應觀法王。法王法如是。色相無有邊。普現於世間。佛身一一毛。光網不思議。譬如淨日輪。普照十方國。如來神通力。法界悉周徧。一切衆生前。示現無盡身。如來說法音。十方莫不聞。隨諸衆生類。悉令心滿足。

衆見牟尼尊。處世宮殿中。普爲諸衆生。闡揚於大法。

法海漩復處。一切差別義。種種方便門。演說無窮盡。

疏偈中第六云漩復者。水之旋流洄復之處。一甚

深故。二廻轉故。三難渡故。法海漩復亦然。一唯佛

能究故。二真妄相循難窮初後故。三聞空謂空。則

沉於旋復。聞有謂有等。皆類此知。故云一切差別

義也。鈔真妄相循。難窮初後故者。若言先妄後

真。真則有始。若謂先真後妄。妄由何生。若妄依真

起。真亦非真。若妄體卽真。妄亦無始。爲破始起。立

無始言。始旣不存。終從何立。無終無始。豈有中間。

故中論云。大聖之所說。本際不可得。生死無有始。亦復無有終。若無有始終。中當云何有。是故於此中。先後共亦無。真妄兩亡。方說真妄。真妄交徹。何定始終。聞空謂空。則沉於旋復者。大分深義。所謂空也。以空爲空。雖深而沉矣。餘三句亦然。不取空相。則無所沉。何以故。空相不可得故。若復見有空。諸佛所不化故。空卽有故。有等亦然。

無邊大方便。普應十方國。遇佛淨光明。悉見如來身。供養於諸佛。億利微塵數。功德如虛空。一切所瞻仰。神通力平等。一切刹皆現安坐。妙道場。普現衆生前。